

唐詩紀事


叙目一之四

| | | | |
|-----|------|---|---|
| 漢書門 | | | |
| 類 | 號 | 函 | 架 |
| 二 | 三九三七 | | |
| 册 | | | |

| | |
|-----|------|
| 三六三 | 三九三七 |
| 一一 | 一二 |

| | |
|------|----------|
| 内閣文庫 | |
| 番號 | 漢 3937 |
| 册數 | 12 (1) |
| 函號 | 363 103 |





唐詩紀事序

唐詩紀事序

唐人以詩名家姓氏著于後世殆不滿百其餘僅有
 聞焉一時名輩滅没失傳蓋不可勝數敏夫閑居尋
 訪三百年間文集雜說傳記遺史碑誌石刻下至一
 聯一句傳誦口耳悉搜採繕錄間捧宦牒周遊四方
 名山勝地殘篇遺墨未嘗棄去老矣無所用心取自
 唐初首尾編次姓氏可近紀一千一百五十家篇什
 之外其人可考即略紀大節庶讀其詩知其所恨
 家貧缺簡籍地僻罕聞見聊據所得先成八十一卷
 目曰唐詩紀事云濯園居士臨印計敏夫有功叙

唐詩

慶元辛酉禧從大諫傅公游于凌雲邂逅灌園季子次陽總幹蓋禧戊午類試坐主也因得是書立命數十吏傳錄其間不能無魯魚亥豕之誤緇閱累年手自讎校十是正其七八餘則傳疑不敢妄加損也夫文章與時高下而詩發於情帝王盛時採之以觀民風在治忽春秋之時趙孟請賦詩以觀鄭七子之志季札請觀樂以知列國之風世之君子欲觀唐三百年文章人物風俗之汚隆邪正則是書不為無助乃鋟之懷安郡齋與世共之嘉定甲申懷安假守王禧慶長書

重刻唐詩紀事序

明中憲大夫浙江提刑按察副使 敕理學政汾陽孔天胤汝鐵甫撰

唐詩紀事若干卷舊叙是臨邛灌園居士計敏夫字有功所集而為懷安假守王禧字慶長鋟置郡齋時記嘉定甲申年代既遠印板磨滅或無再刻之者故其書罕存即有傳者但鈔本爾嗜文之士意恒闕如也嘉靖乙巳錢塘洪子美氏釋宮案玉絳之班理家園竹素之業得笥藏懷安初本遂為雕繕久之成書余覽而嘉之且善其紀事之意叙曰夫詩以道情疇弗恒言之哉然而必有事焉則

情之所繇起也辭之所爲綜也故觀于其詩者得
事則可以識情得情則可以達辭譬諸水木事其
源委本末乎辭其津涉林叢乎情其爲流爲鬯者
乎是故可以觀已故君子曰在事爲詩又曰國史
明乎得失之迹夫謂詩爲事以史爲詩其義懽哉
然自性情之說拘而狂簡或遂畧于事則猶不窮
水木而徒迷驚乎津涉蔽虧乎林叢其于流鬯益
已踈矣故孔父言知在于格物孟子誦詩必論其
世且如虞有卿雲之歌弗稽大傳曷知其爲禪夏
漢盛五篇之詩非考兩都又焉得其鴻典也故善

學者大通而無闕不善學者小見而多離詩從刪
後豈展無之顧大雅雖闕然歌詠之事可考而繹
焉唐俗尚詩號專盛至其摘藻命章逐境紆翰皆
情感事而發杼辭緣情而綺麗卽情事之合一詎
觀覽之可偏宋興理學儒者偏鄙薄詞華覆又推
杜甫等而以格調聲律爲品裁然但言理而不及
事豈與古人說詩之旨同哉今高材切慕其成說
競依憑其籬下掇拾其緒餘及博討唐篇如窮水
木或不喻其時代與人物是旣不曉事又安識所
謂道情者與夫所謂聲調者亦窺言也已然則紀

事一書其藝流之源委文苑之本末利涉之方航
發蒙之朗若者矣嘗觀集唐詩者奚啻什數集紀
事如有功者少刻唐詩者奚啻伯數刻紀事如子
美者少予故嘉善作此叙詞詩三百篇毛傳蓋其
紀事今爲考亭所緝然欲究遺經當必攷之子美
名概歷詹事府主簿

唐詩紀事序

宋計有功唐詩紀事八十一卷嘉定間王慶長氏
校刻時已稱傳疑版刻堙沒士夫家傳抄屬之胥
史運毫睨視後先襲謬舛字斷句歲積寢遠益不
可讀矧簡表繁重憚於校理即校鮮能卒業以故
疑者猶昔且復有與今傳本異者意爲選錄或加
摘飾各仍其舊爰備讐訂不欲易之有功自謂周
索遺墨流閱金石垂老而始成書載者千一百人
可謂窮搜良極苦心唐人詩以集傳者二百餘家
爾他僅見諸選本洪忠宣萬首選自負博洽世亦

謂然惟兩韻短章又雜取小說以足高廷禮品彙
最號博收近代罕儼亦祇六百餘家皆未如有功
所載唐興三百年四聲裁士執簡而賦者何限茲
詎足以盡然終唐之世藉是槩見前人不及選選
而逸者於是流于代亦奇書矣有傳不傳則幸不
幸存焉幸不幸不必論傳者其詩具在人之賢不
肖可據而議也稽人探事即事覈言則可喜怒可慕
可駭可憤切而無可柰何輒撫卷而悲流芳遺臭
斯垂永鑒夫修詞洵嫩嗣振徽響言之文行而自
遠不然文人無行覽誦增倦茂聞為愈也言本由

袁樂因知德不能無慨於茲編嘉靖乙巳春正月
既望東黃張子立序

余校唐紀事已嘆曰嗟乎茲其為唐風也哉論人
者考其世觀風者尚其聲貫調以擅節標格而著
變雅道之選也是故初唐之音洪肇削六代之體
渾而不率武德貞觀斯有開之基乎盛唐之音淳
逸而永清越而淵廓屬興比象或臻名理有六義
之遺焉風治嚮隆恢翊化權其開元天寶之間乎
中唐之音麗綺而則婉而成章元和而後猶有所
憾通則偏遠則寡會固唐風之衰乎晚唐之音靡

清而誕遷而宕時彥競爽轉相凌架襃飾而傷真
美鮮雋上之韻罕體貳之才也理道弗興國其不
兢乎在昔王者有作立采風之官爰以闡四方之
故孔子刪詩雅頌得所國風載列而知三代之因
也唐世韻律主人物寔維言揚人士先資國典繫
之矣且珍行卷茲不亦重乎援述以達志因志而
審音諧音而參時政所謂考世而尚聲者也寧惟
藝焉已哉於是厘興衰之感張子立再識

唐詩紀事標目

第一卷

太宗

高宗

中宗

第二卷

明皇

德宗

文宗

宣宗

昭宗

第三卷

武后

徐賢妃

上官昭容

越王貞

韓王元嘉

孔紹安

鄭世翼

董思恭

沈叔安

何仲諱

陸敬

袁助

牛鳳及

朱子奢

庾抱

張文恭

陳叔達

薛收

第四卷

王珪

褚亮

虞世南

蔡允恭

許敬宗

劉孝孫

魏徵

楊師道

岑文本

李伯樂

來濟

長孫無忌

杜正倫

馬周

李義府

陳子良

杜之松

崔善為

王績

第五卷

蕭德言

顏師古

杜淹

裴守真

胡元範

元萬頃

李敬玄

張文琮

薛元超

鄭蜀賓

王德真

楊思玄

鄭義真

徐珩

蕭翼

張執恭

鄭軌

王勣

竇咸

第六卷

上官儀

郭正一

喬知之

喬侃

貞半千

任希古

蘇味道

杜審言

郭利正

吳少微

富嘉謨

李福業

王適

李崇嗣

第七卷

高正臣

崔知賢

韓仲宣

周彦昭

高球

弓嗣初

高瑾

王茂時

徐皓

長孫真隱

高紹

即餘令

陳嘉言

周彥暉

高嶠

周思鈞

劉友賢

于季子

東方虬

駱賓王

盧昭隣

王勃

楊炯

田遊巖

第八卷

陳子昂

邵大震

李日知

李景伯

劉禕之

王無競

袁恕已

郭元震

崔融

張昌齡

第九卷

李適

張錫

徐彥伯

宗楚客

韋承慶

蕭至忠

李迥秀

劉憲

崔湜

岑羲

第十卷

趙彥昭

崔日用

李义

盧藏用

馬懷素

薛稷

劉元濟

李元紘

李嶠

蘇瓌

蘇頲

第十一卷

韋嗣立

趙彥伯

閻朝隱

鄭愔

沈佺期

宋之問

徐堅

盧懷慎

武平一

李行言

韋元旦

第十二卷

畢乾泰

辛替否

王景

韋安石

竇希玠

李咸

陸景初

鄭南金

于經野

解琬

麴瞻

樊忱

孫佺

李從遠

周利用

楊廉

張景源

李恒

第十三卷

崔液

張元一

劉希夷

鄭遂初

王熊

房融

張敬忠

崔珪

沈祖僊

盧宗道

徐安期

張紘

薛曜

袁暉

李休烈

邵士彥

吳大江

劉幽求

賈曾

楊齊哲

魏元忠

李夔

司馬承禎

第十四卷

張說

宋璟

王丘

崔翹

王炎庭

席豫

梁昇卿

源乾曜

張嘉正

盧從愿

韓休

徐知仁

崔禹錫

裴灌

韋玩

程行誼

李暉

蕭嵩

劉昇

裴炎庭

宇文融

崔沔

崔尚

陸堅

崔泰之

崔日和

魏奉古

第十五卷

王灣

魏知古

許景先

姚崇

姜皎

姜晞

王岳靈

楊顏

鄭絳

張諤

趙仁獎

張暈

金昌緒

蘇晉

張九齡

崔國輔

第十六卷

王維

王縉

裴迪

崔興宗

第十七卷

賀知章

賀蘭進明

李邕

陰行光

李伯魚

趙冬曦

尹恣

崔成甫

李昂

殷遙

徐延壽

苑咸

丘爲

第十八卷

杜甫

李白

第十九卷

崔宗之

敬括

房琯

蘇源明

第二十卷

鄭虔

嚴武

史俊

李適之

祖詠

李傾

綦毋潛

趙謙光

李元操

薛令之

張諲

陶翰

顏舒

王焘

王熊

薛維翰

崔旦

朱琳

王泠然

萬楚

胡皓

袁瓘

柳識

高力士

高霽

息夫牧

崔曙

第二十一卷

蕭穎士

李華

崔顥

李嘉祐

王翰

第二十二卷

任華

鄒象先

賈至

韋述

裴輝卿

解彥融

儲光羲

孫翊

梁知微

沈千運

魏萬

元結

萬齊融

張均

李嶷

宋鼎

崔頌

第二十三卷

司馬退之

吳筠

蘇廣文

尉遲斤

王諲

陳希烈

高適

張彪

張子容

李之芳

崔或

孟浩然

岑參

第二十四卷

元傑

韋迢

孟彥深

郭受

陶現

張儼

王昌齡

周萬

包融

顏真卿

丁仙芝

李清

韓滉

齊澣

顧朝陽

韋建

第二十五卷

徐安貞

崔惠童

崔敏童

劉晏

劉灣

薛據

劉昫

張巡

張繼

張謂

梁肅

柳渾

孟雲卿

第二十六卷

盧象

閻防

王季友

楊賁

張陵

王之渙

李陽水

蘇渙

劉長卿

章八元

李穆

韋應物

朱放

孫逖

李紆

畢耀

第二十七卷

于逖

姚係

趙微明

李泌

褚輔陽

蕭昕

張朝

暢當

暢諸

獨孤及

皇甫冉

皇甫曾

李幼卿

趙驥

賈邕

劉丹

張孫鑄

房白

元晟

劉太冲

姚發

鄭愕

殷小野

鄔載

第二十八卷

張濯

孫叔向

朱長文

胡令能

鄭丹

李希仲

杜誦

鄭錫

古之奇

秦系

令孤峒

楊凌

劉太真

顧况

薛業

劉希戩

朱絳

元凜

楊志堅

劉方平

李揆

戎昱

第二十九卷

常袞

張衆甫

田澄

柳彬

李彥柳

薛白

元載

張元宗

楊郇伯

高拯

梁鎰

劉長川

姚倫

孫處立

劉復

朱彬

載叔倫

于鵠

王季文

第三十卷

李益

杜羔

耿偉

盧綸

韓翃

錢起

司空曙

苗發

崔峒

李端

冷朝陽

第三十一卷

竇叔向

竇常

竇牟

竇群

竇庠

竇鞏

常建

李約

柳中庸

郭郎

韋處厚

權德輿

張薦

楊於陵

許孟容

崔郊

馮伉

潘孟陽

武少儀

鄭常

鄭軼

韓濬

王濯

張昌

張叔良

第三十二卷

崔琮

李竦

裴達

干尹躬

顏粲

萊季長

陳通方

嚴公弼

嚴公貺

王表

陸贄

楊炎

元季川

蔣渙

包何

劉商

陸海

第三十三卷

李吉

武元衡

鄭綱

獨孤授

李季何

李應

盧拱

李觀

裴度

韋同則

陳悅

第三十四卷

韓愈

張籍

史延

丁澤

樊宗師

李道昌

第三十五卷

陸暢

崔元翰

張建封

皇甫湜

李翱

趙信陵

孟郊

盧仝

劉义

楊巨源

陳羽

王履正

彭伉

辛引智

歐陽詹

焦郁

袁高

第三十六卷

黎逢

閻濟美

裴交泰

劉皂

崔玄亮

牛僧孺

李紳

沈傳師

盧群

劉禹錫

封孟紳

第三十七卷

元稹

第三十八卷

白居易

第三十九卷

白居易

陳潤

韋式

第四十卷

范傳正

薛存誠

賈島

馬異

張登

包佶

長孫輔左

李正封

崔護

張又新

陸復禮

柳公權

陸鴻漸

王季則

王公亮

徐收

陳存

第四十一卷

白行簡

章孝標

施肩吾

鮑溶

孟簡

李程

張蕭遠

許康佐

許堯佐

張南史

徐凝

朱晝

侯喜

蔣防

第四十二卷

王涯

令狐楚

張仲素

第四十三卷

竇叅

即士元

于良史

舒元興

李諒

李賀

呂溫

呂恭

段洪古

何元上

羊士諤

馮宿

柳宗元

吳武陵

邵真

崔膺

衛象

李宣遠

熊孺

崔立之

鄭遵

韋紆

第四十四卷

王建

第四十五卷

朱灣

王良會

柳公綽

張正一

徐放

崔備

蘇郁

明幽貞

張儼

杜頽

韋丹

鄭俞

杜元穎

吳丹

鄭餘慶

趙宗儒

周引亮

王播

周斥物

許玫

張碧

第四十六卷

劉言史

劉猛

李餘

李涉

劉昭禹

孫昌胤

嚴休復

朱慶餘

劉軻

獨孤鉉

張燦

楊虞卿

楊汝士

張志和

第四十七卷

謝良輔

鮑防

杜弈

丘丹

嚴維

鄭槩

陳元初

呂渭

范燈

樊珣

劉蕃

賈弁

沈仲昌

李祐

李播

蕭靜

崔子向

李逢吉

楊乘

第四十八卷

李泌

韋臯

李德裕

鄭還古

裴航

裴休

呂群

徐商

韋渠牟

陸長源

盧宗回

劉闢

薛宜僚

陸希聲

崔季卿

皇甫徹

第四十九卷

胡果

吉叟

劉真

鄭據

盧貞

張渾

白居易九老

項斯

龐蘊

蔡京

滕邁

郭周藩

殷潛之

裴思謙

何扶

鄭澣

廖有方

薛書記

賈耽

盧真

姚合

第五十卷

封敖

鄭薰

王幹

宋雍

李摯

韋澳

段文昌

姚向

溫會

李敬伯

姚康

張元正

楊嗣復

灸鞞子

楊厚

劉邠伯

王觀

陳上美

侯洌

崔樞

陳彥博

郭良驥

崔蝦

李景遜

康球

第五十一卷

白敏中

魏扶

馬桓

崔鉉

殷堯藩

沈亞之

裴夷直

楊敬之

房千里

厲元

喻鳧

楊衡

符載

王彥威

繁知一

楊洵美

第五十二卷

雍裕之

裴潏

皇甫璿

李肱

徐凝

張祐

崔涯

盧儲

趙璜

柴夔

王繼勳

夏鴻

曹汾

楊鴻

易重

第五十三卷

喬琳

土鉦

于興宗

李朋

何半

李文儒

薛蒙

李鄴

于瓌

王巖

劉駸

李渥

劉璐

盧侑

李續

盧求

田章

高璩

牛微

蕭祐

魏暮

陸肱

李商隱

劉得仁

第五十四卷

韋表微

羅弘信

高崇文

王智興

劉綺莊

馬戴

孟遲

南卓

鄭顥

李群玉

温庭筠

周繇

第五十五卷

周墀

王起

盧肇

丁陵

姚鹄

高退之

孟球

劉耕

裴翻

樊驤

崔軒

荆希逸

林滋

李宜古

黃頰

張道符

丘上卿

石貫

李潜

孟宁

唐思言

左牢

王甚夷

金厚載

第五十六卷

鄭略

李彙征

劉威

崔郊

譚銖

郭夔

來鵬

來鵠

鄭洪業

杜牧

許渾

童翰卿

雍陶

周元範

李元範

李遠

朱可名

趙嘏

祝元膺

韋承貽

鄭史

韋楚老

第五十七卷

段成式

第五十八卷

温庭皓

韋蟾

李敬方

李溟

李郢

韓宗

劉滄

柳棠

賀蘭朋古

崔珏

李洞

長孫翺

崔櫓

曹唐

于武陵

崔總

劉魯風

盧尚卿

第五十九卷

薛瑩

褚載

汪遵

蕭遇

盧渥

李訥

崔元範

楊知至

封彦卿

盧鄴

高湘

盧澈

滕倪

林傑

李明遠

李章武

郭圓

薛逢

張洪靖

韓察

崔恭

崔文信

陸纏

胡証

高銖

張賈

第六十卷

李節

費冠卿

劉虛白

蕭建

袁不約

孫緯

周祚

崔澹

盧頰

李郭

李頰

賈馳

薛能

曹鄴

裴虔餘

陳陶

第六十一卷

聶夷中

劉象

紀唐夫

羅紹威

鄭仁表

張林

李搏

裴廷裕

高蟾

朱邕

崔塗

孫郃

鄭準

章碣

于濬

第六十二卷

鄭嵎

第六十三卷

方干

劉駕

王駕

衛準

詹雄

顧非熊

司空圖

秦韜玉

潘成

胡駢

高駢

潘緯

武瓘

于鄴

路德延

翁承贊

韓垂

第六十四卷

顏萱

李敎

司馬都

鄭壁

崔璞

魏朴

陸龜蒙

張賁

皮日休

崔璐

任蕃

盧休

劉畋

第六十五卷

袁郊

盧延讓

裴說

張為

韓偓

曹松

杜荀鶴

孫棨

王鐸

鄭棨

胡玠

楊淑

平曾

繆希雲

第六十六卷

馮涓

盧嗣立

李質

姚巖傑

王璘

嚴郾

陳標

崔安潛

盧發

錢珙

盧駢

嚴憚

王渙

張署

翁綬

載司顏

孫定

趙妝

盧汪

鄭愚

王鐸

陳淑

第六十七卷

唐

李嶸

袁皓

歐陽澣

徐振

李濤

王真白

王祝

劉谷

李昌鄴

王滌

王碩

陸真洞

李縞

高衢

張綺

韋冰

薛昭緯

鄭合敬

許晝

程賀

裴劔

張孜

顧雲

李昭象

第六十八卷

楊文圭

唐彦謙

裴澈

盧芳

韋莊

吳融

公乘億

羅鄴

羅衮

第六十九卷

羅虬

羅隱

陸扆

第七十卷

許棠

張喬

劇燕

任燾

張蠙

鄭谷

湯憲

李昌符

王穀

李山甫

伊璠

鍾離權

第七十一卷

唐

唐

張道古

許鼎

李京

胡曾

伍唐珪

韓定辭

樊貽恭

狄歸昌

李極

高越

許郴

孫蜀

牛嶠

崔庸

同谷子

陳詠

李旭

沈彬

同朴

孫魴

王易簡

范攄之子

鄭雲夏

謝太虛

李嶼

江為

第七十二卷

僧法宣

僧中寤

僧子蘭

僧靈澈

僧靈一

僧清江

僧廣宣

第七十三卷

僧法振

常雅

隱丘

僧法照

僧冷然

金地藏

僧皎然

護國

含曠

第七十四卷

僧文秀

僧尚能

僧棲白

僧無可

僧神穎

僧懷濬

應物

可朋

雲表

第七十五卷

僧虛中

僧貫休

僧齊己

殷七七

許碯

許宣平

裴修然

第七十六卷

僧太易

惟審

滄浩

僧良乂

僧志定

栖蟾

曇翼

清塞

無悶

僧文益

僧修睦

景雲

第七十七卷

僧栖一

僧可止

僧卿雲

僧處默

僧澹交

僧若虛

僧齋

僧曇域

僧懷楚

僧懷浦

僧慕幽

尚顏

僧善生

第七十八卷

開元宮人

楊氏子

薛彥輔母

崔氏

劉氏

慎氏

薛媛

李季蘭

侯氏

如意中女子

裴柔之

魚玄機

僖宗宮人

張建封妓

宮女

女道士元淳

第七十九卷

張夫人

崔仲容

女郎張琰

女郎崔公達

女郎宋若昭

女郎宋若荀

女郎田蛾

女郎劉雲

薛濤

女郎葛鵝兒

女郎張文姬

鮑君微

女郎張窈窕

倡妓常皓

女郎蔣蘊

女郎劉媛

廉氏

彭伉妻

程長文

尼海印

孫氏

鸞鸞

非壘

徐月英

第八十卷

河北人

不知名

僕

新羅主

楊彥鯤

不知名

權龍褒

第八十一卷

毛仙翁

唐詩紀事卷第一

錢塘 洪楸 校

太宗

高宗

中宗

帝京篇序云示以萬機之暇遊息藝文觀列代之皇
 王考當時之行事軒昊舜禹之上信無間然矣至於
 秦皇周穆漢武魏明峻宇雕墻窮侈極麗征稅殫於
 宇宙轍跡徧於天下九域無以稱其求江海不能贍
 其欲覆亡顛沛不亦宜乎余追蹤百王之末馳心千
 載之下慷慨懷古想彼哲人庶以堯舜之風蕩秦漢
 之弊用咸英之曲變爛漫之音求之人情不為難矣
 故觀文教於六經闕武功於七德臺榭取其避燥濕

金石尚其諧人神皆節之於中和不係之於淫放故
溝洫可悅何必江海之濱乎麟閣可翫何必山陵之
間乎忠良可接何必海上神仙乎豐鎬可游何必瑤
池之上乎釋實求率以人從欲亂於大道君子耻之
故述帝京篇以明雅志云爾

秦川惟帝宅函谷壯皇居綺殿千尋起離宮百雉餘
連甍遙接漢飛觀迥凌虛雲日隱層闕風煙出綺疏
巖廊罷機務崇文聊駐輦玉匣啓龍圖金繩披鳳篆
韋編斷仍續縹帙舒還卷對此乃淹留歆案觀墳典
移步出詞林停輿欣載宴瑀子寫明月駿馬疑流電

驚鴈落虛弦啼猿悲急箭閱賞誠多矣於茲乃忘倦
鳴笳臨樂館眺聽歡芳節急管韻朱絃長歌凝白雪
威鳳肅來下玄鶴分成列去茲鄭衛聲雅音方可悅
芳辰追逸趣禁苑信多奇橋形通漢上峰勢接雲危
煙霞交隱映花鳥自參差何如肆轍跡萬里賞瑤池
飛蓋去芳園蘭橈遊翠渚萍間日彩亂荷處香風舉
桂楫滿中川絃歌振長嶼豈獨汾河曲方為歡宴所
日落雙闕昏迴輿九重暮長煙散初碧皎月澄輕素
褰幌翫琴書開軒引雲霧銀漢耿層閣清風搖玉樹
歡樂難再遇芳晨良可惜玉酒溢雲壘蘭肴陳綺席

千鐘合堯禹百獸諧金石得志重寸陰忘懷輕尺璧其
建章歡賞夕二八盡妖妍羅綺昭陽殿芬芳玳瑁筵
移星正動扇掩月初圓無勞上玄圃即此對神仙
以茲遊觀極悠然獨長想披卷覽前蹤撫躬尋既往
望古茅茨約曠今蘭殿廣入道慮高危虛心誠盈蕩
奉天竭誠敬臨民思惠養納善察忠諫明科慎刑賞
六五誠難繼四三非易仰庶待淳化敷方嗣云亭響
帝製帝京篇命李百藥並作既上詔曰卿何身老而
才之壯齒宿而意之新乎

正月臨朝云條風闋獻節仄律動初陽百蠻奉遐書

萬國朝未央雖無舜禹跡幸欣天地康車軌同八表
書文混四方赫奕儼冠蓋紛綸盛服章羽旌飛馳道
鐘鼓震脩廊組練暉霞色霜戟照朝光晨宵懷至理
終愧撫遐荒

秋日垂清光賜房元齡詩曰秋露凝高堂朝光上翠
微參差麗雙闕照耀滿重闈仙馭隨輪轉靈鳥帶影
飛臨波無定彩入隙有圓暉還當葵藿志傾葉自相
賦得白日傍西山詩曰紅輪不暫駐鳥飛豈復停岑
霞漸漸落溪陰寸寸生霍葉隨光轉葵心逐照傾晚
煙含樹色樓鳥雜流聲

賦得花庭霧詩云蘭氣已薰宮新藥半粧叢色含輕
重霧香引去來風拂樹濃舒碧繁花薄蔽紅還當雜
行雨髮髯隱遙空

詠小山詩云近谷文縈藥遙峰對出蓮徑細無全磴
松小未含煙

弱柳鳴秋蟬詩云散影玉階柳含翠隱鳴蟬微形藏
葉裡亂響出風前

早鴈出雲鳴詩云初秋玉露清早鴈出雲鳴隔雲時
亂影因風乍含聲

秋日翠微宮詩曰秋光凝翠嶺涼吹肅離宮荷疎一
蓋缺樹冷半帷空側陣移鴻影圓花釘菊叢摠懷俗
塵外高眺白雲中

春日望海詩云披襟眺滄海憑軾翫春光積流橫地
軸疏派引天潢仙氣凝三嶺和風散八荒拂曉雲布
色穿浪日舒光照岫花分彩迷雲鴈斷行懷卑運深
廣持滿守靈長有形非易測無源詎可量洪濤經變
野翠島屢成葉之采思漢帝碣石想秦皇霓裳非本
意端拱且圖王

召侍臣賜宴守歲云四時運灰琯一夕變冬春送寒
餘雪盡迎歲早梅新

洛水云春蒐馳駿骨總轡俯長河霞處流縈錦風前
漾卷羅水花翻照樹隄蘭倒插波豈必汾陰曲秋雲
發棹歌

冬日臨昆明池詩云石鯨分玉溜劫燼隱平沙柳影
水無葉梅心凍有花寒野凝朝露霜天散夕霞歡情
猶未極落景遽西斜

賦得浮橋詩云岸曲非千里橋斜異九星暫低逢輦
度還高值浪驚水搖文鷁動纜轉錦花縈遠近隨輪
影輕重應人行

入潼關詩云嶺山稱地險襟帶壯兩京霜峰直臨道

冰河曲遶城古木參差影寒猿斷續聲冠蓋往來合
風塵朝夕驚高談先馬渡僞曉預鷄鳴弁繻懷遠志
封泥負壯情別有真人氣安知名不名

春日玄武門宴群臣詩云韶光開令序淑氣動芳年
駐輦華林側高宴栢梁前紫庭文珮滿丹墀袞紱連
九夷造瑤席五狄列瓊筵娛賓歌湛露廣樂奏鈞天
盈樽浮綠醕雅曲韻朱絃粵余君萬國還慙撫八埏
庶幾保正固虛已厲求賢

又置酒坐飛閣詩云高軒臨碧渚飛簷迥駕空餘花
攢漏檻殘柳散雕櫳斫菊初含蕊園梨始帶紅却慮

崑山暗不共盡杯中

冬宵各為四韻詩云雕宮靜龍漏綺閣宴公侯珠簾
燭燄動繡柱月光浮塵起將歌發風停與管適瑣池
任多士端辰竟何憂

尚書詩云崇文時駐步東觀還停輦輟膳玩三墳輝
燈披五典寒心覩肉林飛目看沉酒縱情昏主多克
已明君鮮滅身資累惡成名猶積善既承百王末
戰兢隨歲轉

詠司馬彪續漢志詩云二儀初創象三才乃分位非
惟樹司牧固亦垂文字綿代更應期芳圖無輟記炎

漢承君道英謨纂神器潛龍既可躍術鬼奚難致前
史殫妙一夜昆沉雅思書言揚盛跡補闕興洪志川
谷猶舊涂郡國開新意梅山未覺朽穀水誰云異車
服隨名表文物因時置鳳戟翼康衢鑿輿揔柔轡清
濁必能澄洪纖幸無棄觀儀不失序遵禮方由事政
宣竹律和時平玉條備文圖雕竒彩藝門蘊深致雲
飛星共流風揚月兼至類禋導今典壇墳資良地五
勝竟無違百司誠有庇我皇承暇景談叢引衆秘討
論窮義府看覈披經笥大辯良難仰小學終先匱聞
道諒知榮含毫孰忘愧

出獵詩云楚王雲夢澤漢帝長揚宮若特因農暇閱
武出輟嵩三駟陳銳卒七萃列材雄寒野霜氛白平
原燒火紅瑠戈夏服箭羽騎綠沉弓佈獸潛幽壑驚
禽散翠空長煙晦落日灌木偃嚴風所為除民瘼非
是悅林叢

冬狩詩云烈烈寒風起慘慘飛雲浮霜濃凝廣隰冰
厚結清流金鞍多上苑玉勒騁平疇旌旗四望吞且羅
一面求楚路爭兕殪秦亡解鹿愁獸忙投密樹鴻驚
起礫洲騎歛原塵靜戈迴嶺日收心非洛汭逸意在
渭濱游禽荒非所樂撫轡更招憂

李詩云玉衡流桂圃成蹊正可尋鸚啼綠葉外蝶戲
晚花心麗景光朝彩輕煙散夕陰暫賴暉章側還眺
靈山林

賦得櫻桃詩春為韻云華林滿芳景洛陽徧陽春朱
顏含遠日翠色影長津喬柯轉嬌鳥低枝映美人昔
作園中實今來席上珍

春池柳詩年柳變池臺隋堤曲直迴逐浪絲陰去迎
風帶影來踈枝一鳥呀半翠幾眉開瑩雪臨春岼參
差間早梅

臨池柳詩云岸曲絲陰聚波移帶影踈還將眉裡翠

來就鏡中舒

竹詩云貞條彰曲砌翠葉負寒霜拂牖分寒影臨池待鳳翔

詠飲馬詩云駿骨飲長涇奔流灑絡繹細紋連噴聚亂行遶蹄縈水光鞍上側馬影溜中橫翻似天池裏驕波龍種生

帝嘗作宮體詩使虞世南賡和世南曰聖作誠工然體非雅正上有所好下必有甚君恐此詩一傳天下風靡不敢奉詔帝曰朕試卿爾後帝爲詩一篇述古興亡既而嘆曰鍾子期死伯牙不復鼓琴朕此詩何

所示耶敕褚遂良即世南靈坐焚之

正觀六年九月帝幸慶善宮帝生時故宅也因與貴臣宴賦詩起居即請平宮商被之管絃命曰功成慶善樂使童子八佾爲九功之舞大宴會與破陣舞偕奏於庭

正觀二十年秋帝幸靈州破薛延陀時廻紇諸部遣使入貢乞置官司上爲詩序其事曰雪耻酬百王除凶報千古公卿請勒石於靈州從之

高宗

九月九日云端居臨玉宸初律啓金商鳳闕澄秋色

龍闈引夕涼野靜山氣歛林踈風露長砌蘭虧半影
巖桂發全香滿蓋荷彫翠圓花菊散黃揮鞭爭電烈
飛羽亂星杳柳空穿石碎弓虛側月張怯猿啼落岫
驚鴈斷分行斜輪低夕影歸旆擁通莊

七夕宴玄圃云羽蓋飛天漢鳳駕越層巒俱歎三秋
阻共叙一宵歡璜虧夜月落曆碎曉星殘誰能重操
杼織手濯清瀾

又云霓裳轉雲路鳳駕儼天潢斲星凋夜曆殘月落
朝璜促歎今夕促長離別後長輕校聊駐織掩淚獨
悲傷

過温湯詩温渚停仙躡豐郊駐曉旌路曲回輪影巖
虛傳漏聲暖溜驚湍駛寒空碧霧輕林黃踈菜下野
白曙霜明眺聽良無已煙霞斷續生

太子納妃太平公主出降詩云龍樓允曙景魯館啓
朝扉艷日濃粧影低星降婺輝王庭浮瑞色銀榜藻
祥徽雲轉花縈蓋霞飄菜綴旗

雕軒回翠陌寶駕歸丹殿鳴珠珮曉衣鏤壁輪初扇
翠冠列綺筵蘭醕申芳宴環階鳳樂陳玳席珍羞薦
蝶舞袖香新歌分落素塵歡凝歡懿戚慶叶慶初姻
暑闌炎氣息涼早吹踈蘋方期六合泰共賞萬年春

太平公主武后所生后愛之傾諸女帝擇薛紹尚之
假萬年縣為婚館門隘不能容翟車有司毀垣以入
自興安門設燎相屬道樾為枯當時群臣劉祿之詩
云夢梓炎青陛穠桃藹紫宮元萬頃云离元應春夕
帝子降秋期任奉古云帝子升青陛王姬降紫宸郭
正一云桂宮初服冕蘭掖早升笄皆納妃出降之意也

中宗

立春日游苑迎春云神臯福地三秦邑玉臺金闕九
仙家寒冰猶戀甘泉樹淑景催臨建始花綵蝶黃鶯
未歌舞梅香柳色已矜誇迎春正啓流霞席暫囑囑曦

輪勿遽斜

九月九日幸臨渭亭登高作云九日正乘秋三杯興
已周泛桂迎罇滿吹花向酒浮長房萸早熟彭澤菊
初收何藉龍沙上方得恣淹留得秋時景龍三年也
御製序云陶潛盈把既浮九醞之觀畢卓持螯須盡
一生之興人題四韻同賦五言其最後成罰之引滿
韋安石得枝字云金風飄菊蕊玉露泣萸枝
蘇瓌得暉字云恩深荅効淺留醉奉宸暉
李嶠得歡字云令節三秋晚重陽九日歡
蕭至忠得餘字云寵極萸房遍恩深菊耐餘

竇希玠得明字云九晨陪聖膳萬歲奉承明
 韋嗣立得深字云願陪歡樂事長與歲時深
 李迥秀得風字云霽雲開晚日仙藻麗秋風
 趙彦伯得花字云簪挂丹萸藥椀溼紫菊花
 楊廉得亭字云遠日瞰秦堦重陽坐灞亭
 岑羲得浹字云爰豫矚秦堦昇高臨灞浹
 盧藏用得開字云更依珮裏發菊向酒邊開
 李成得直字云菊黃迎酒泛松翠凌霜直
 閻朝隱得筵字云簪紱趨皇極笙歌接御筵
 沈佺期得長字云日歡重九慶日月奉天長

薛稷得曆字云願陪九九辰長奉千千曆
 蘇頌得時字云年數登高日延齡命賞時
 李乂得濃字云捧篋萸香遍稱觴菊氣濃
 馬懷素得酒字云蘭將葉布席菊用香浮酒
 陸景初得呂字云登高識漢苑問道侍軒呂
 韋元旦得月字云雲物開千里天行乘九月
 李適得高字云禁苑秋光入宸遊霽色高
 鄭南金得日字云風起韻虞絃雲開吐堯日
 于經野得樽字云桂筵羅玉俎菊醴溢芳樽
 盧懷慎得還字云鶴似聞琴至人疑宴鑄還

是宴也韋安石蘇瓌詩先成于經野盧懷慎最後成
罰酒

幸秦始皇陵賦詩云眷言君失德驪邑想秦餘政煩
方改篆愚俗乃焚書阿房久已滅閣道遂成墟欲厭
東南氣翻傷掩鮑車

十月帝誕辰內殿宴群臣聯句云潤色鴻業寄賢才
帝云叨居右弼貴鹽梅李嶠運籌帷幄荷時來宋楚

職掌圖籍濫蓬萊劉憲兩司謬忝謝鍾裴崔湜禮樂
銓管効塵埃鄭愔陳師振旅青九垓趙彦忻承顧問

侍天杯李適銜恩獻壽栢梁臺蘇頌黃縑青簡奉康

哉盧藏用輒生侍從忝王枚李義右掖司言實不才馬

素宗伯秩禮天地開薛稷帝歌難續仰昭回宋之微

臣捧日變寒灰遠慙班左愧遊陪上婕妤帝謂侍臣曰

今天下無事朝野多歡欲與卿等詞人時賦詩宴樂
可識朕意不須惜醉大學士李嶠宗楚客等跪奏曰

臣等多幸同遇昌期諺以不才策名文館思勵駑朽
庶裨河嶽既陪天歡不敢不醉此後每遊別殿幸離
宮駐驂芳苑鳴笳仙禁或戚里宸筵王門沓席無不
畢從
長寧公主韋庶人所生下嫁楊慎交制曰駙馬都尉

楊慎交分榮戚里藉寵公門恭肅著於立身恪勤効
於從政鳳凰樓上宛符琴瑟之歡烏鵲橋前載協松
蘿之契宜分覃茅土式廣山河造第東都府財幾竭
又取西京高士廉第左金吾衛廢管合為宅作三重
樓築山浚池帝及后數臨幸置酒賦詩群臣屬和故
李嶠長寧公主東莊侍宴詩其末云承恩咸已醉戀
賞未還鑿崔湜云席臨天文貴杯接近臣歡李適云
願奉瑤池駕千春侍德音李义云地出東郊迴日馭
城臨南斗度雲車徐元伯云鳳宸憐簫曲鸞閣念掌
珍

公主之生也帝誕日而公主滿月李嶠詩云神龍見
象日仙鳳養雛年大寶來天正明珠對月圓祚延全
篋裏歌奏玉箱前今日宜孫慶還叅祝聖篇

登驪山高頂詩云四郊秦漢國八水帝王都閭闔雄
里閨城闕壯規模貫渭稱天邑含岐實奧區金門披
玉館因此識黃圖帝自題序末云人題四韻後罰三
盃日暮成者五六人餘皆罰酒

劉憲詩云驪阜鎮皇都鑿遊眺八區原隰旌門裏風
雲宸坐隅互城如斗柄官樹似星榆從臣詞賦末濫
得上天衢

蘇頲云仙蹕御層氛高高積翠分巖聲中谷應天語
半空聞豐樹連黃道秦關入紫雲聖圖恢寓縣歌賦
小橫汾

武平一云鑾輿上碧天翠帟拖晴煙絕嶠紆仙逕層
巖敞御筵雲披丹鳳闕日下黑龍川更覩南薰奏流
聲入管絃

景龍四年正月五日移仗蓬萊宮御大明殿會吐蕃
騎馬之戲因重為栢梁體連句

帝曰大明御寓臨萬方皇后顧慙內政翊陶唐長寧
鸞鳴鳳舞向平陽宋樂公秦樓魯館沐恩光太平公

無心為子輒求郎馮王重雄才七步謝陳王韋容上

當熊讓輦愧前芳吏部侍郎再司銓管恩可志著作

惜文江學海恩濟航考功員外郎萬邦考績臣所詳

著作郎朝隱曰著作不休出中腸時上疑御史大夫實從

十將作大匠宋晉卿素不屬文未即令續二人固請

許之從一曰權豪屏跡肅嚴霜晉卿曰鑄鼎開嶽造

明堂此外遺忘時吐蕃舍人明志獵請令授筆與之

曰玉醴由來獻壽觴上大悅賜與衣服

唐詩紀事卷第一

唐詩紀事卷第二

明皇

德宗

文宗

宣宗

昭宗

軒遊宮十五夜云行邁離秦國巡方赴洛師路逢三五夜春色暗中期關外長河轉宮中淑氣遲歌鐘對明月不減舊遊時

初入秦川路逢寒食詩云洛川芳樹映天津霸岸垂楊宰地新且為經過行處樂不知虛度兩京春去年有閨今春早曙色和風着花草可憐寒食與清明光輝併在長安道自從關路入秦川爭到何人不戲鞭

公子途中方蹴踔佳人馬上戲鞦韆渭水長橋今欲
渡忽忽漸見新豐樹遠看驪岫入雲霄預想陽池
煙霧煙霧氛氲水殿開整拂香輪歸去來今歲清明
行已晚明年寒食更相陪

早渡蒲關云鐘鼓嚴更曙山河野望通鳴鸞下蒲坂
飛旆入秦中地險關逾壯天平鎮尚雄春深津樹合
月落成樓空馬色分朝景鷄聲逐曉風所希常道泰
非復侯繻同

帝幸蜀西至劔門題詩曰劔閣橫雲峻鑿輿出狩回
翠屏千仞合丹嶂五丁開灌木縈旗轉仙雲拂馬來

乘時方在德嗟爾勒銘材至德二年普安郡守賈深
勒石

開元間河南叅軍鄭銑朱陽丞郭仙舟投匭獻詩敕
曰觀其文理乃崇道法至於今時不切事情宜各從
所好並罷官度為道士

裴寬除太原尹帝賦詩餞之曰德北岱雲布心如晉
水清

早登太行山中言志云清蹕渡河陽凝笳上太行火
龍明鳥道鐵騎遶羊腸白露霍陰墊丹霞助曉光澗
泉含宿凍山草帶餘霜野老茅為室樵人薜作裳宣

風問耆艾敦俗勸耕桑涼德慙先哲微猷慕昔皇不
因今展義何必冒垂裳

帝巡省塗次上黨舊宮賦詩序曰朕昔在初九佐貳
此州未遇扶搖之力空俟海沂之詠洎大橫入兆出
處斯易一揮寶劍遽履瑤圖承曆數而順謳謠着天
衣而御區夏嗟乎向時沈默駕四馬而朝京師今日
逍遙乘六龍而問風俗爰因巡省途次舊居山川宛
然人事無間忽其昇華周遊館宇觸目依然雖迹異
漢皇而地如豐邑擊筑慷慨酌杯留連空想大風題
茲短什詩云

三千初擊浪九萬欲搏空天地猶驚否陰陽始遇蒙
存貞斯歷試佐貳佇昭融多謝時康理良慙寶劍功
長懷問鼎氣夙負拔山雄不學劉岷舞先歌漢祖風
英髦既包括豪傑自牢籠人事一朝異謳謠四海同
如何昔朱邱今此作離宮馬沼澄瀾翠猿崑落照紅
小山秋桂馥長坂舊蘭蓂即是淹留處乘歡樂未窮
荅張說出雀鼠谷云雷出膺乾象風行順國人川途
猶在晉車馬漸歸秦背陝關山險橫汾鼓吹頻草依
陽谷變花待北岳春聞有鷓鴣客清詞雅調新求音
思欲報心迹竟難陳

送張說巡邊云端拱復垂裳長懷御遠方股肱申教
義戈劔靜要荒命將綬邊服雄圖出廟堂三台入武
帳八座起文昌寶胄匡韓主華宗輔漢王茂先慙博
物平子謝文章盡節恢時佐輸誠禦寇場三軍臨朔
野駟馬即戎行鼓吹威夷狄旌軒溢洛陽雲臺先著
美今日更貽芳

送張說集賢上學士云廣學開書殿崇儒引席珍集
賢招袞職論道命台臣禮樂公今古文章革舊新獻
酬罇俎列賓主位班陳節變雲初夏時移氣尚春所
希究也策千載仰茲晨

左丞相說右丞相璟太子少傅乾曜同上官命監
堂賜詩云赤帝收三傑黃軒舉二臣由來丞相重分
掌國之鈞我有握中璧雙飛席上珍子房推要道仲
子訝風神復輟台衡老將為調護人鷓鴣同拜日車
騎擁行塵樂聚南宮宴觴連北斗醇俾子成百揆垂
拱問彝倫

同二相已下群臣宴樂遊園賜詩云撰日當廊暖需
雲宴樂初萬方朝玉帛千品會簪裾地入南山遠城
分北斗餘林塘垂柳密原隰野花踈帝幕看逾暗歌
鐘聽自虛興闌歸騎轉還奏彌違書二相謂張宋也

千秋節賜群臣鏡詩云臺上冰花澈窓中月影臨更
銜長壽帶留意感人深是日賜宴詩云月銜花綬鏡
露綴絲絲囊張說應制云珠囊含瑞露金鏡抱僊輪
開元十六年帝自擇廷臣為諸州刺史許景先治魏
州源光裕鄭州寇泚宋州鄭溫珩州袁仁恭杭州
崔志廉襄州李昇期邢州鄭放定州蔣挺湖州裴觀
滄州崔誠遂州凡十一人行詔宰相諸王御史以上
祖道洛濱盛具奏太常樂帛舫水嬉命高力士賜詩
令題座右帝親書且給筆紙令自賦答納三千遣之
帝詩云

眷言思共理鑑寢想惟良猗歟此推擇聲績著周行
賢能既俟進黎獻實佇康視人當如子愛人亦如傷
講學試誦論阡陌勸耕桑虛譽不可飾清知不可忘
名迹易見安直德自彰獄訟必以情教民貴有常恤
惇且存老撫弱復綏強勉哉各祗命知予眷萬方
帝為趙法師別造精院過院賦詩并序云秋九月聽
政觀風存乎遊息退朝之後歷西上陽入清虛院則
法師所居之地也法師得玄元之法養浩然之氣故
法此僊家特建真宇紫房對聳綠竹羅生既親重其
人每經過其地以怡神洗雪進德脩業何必齋心累

月遠在順風因而賦詩用適真意云尔詩云

宗師心物外為道運虛舟不戀巖泉賞來從宮禁遊

探玄知幾歲習靜更宜秋煙樹辨朝色風湍聞夜流

坐朝繁聽覽尋勝在清幽欲廣無為化因茲庶可求

又送趙法師還蜀因名山奠簡詩云道家奠靈簡自

昔仰神仙真子今將命蒼生福可傳江山尋故國城

郭信依然二室遙相望雲迴洞裏天法師觀宇在今蜀州新津縣也

天寶十六年又送忠州太守康昭遠等詩云端拱臨

中樞緬懷共予理不惟臺閣英孰振循良美分符侯

甸內拜首明庭裏誓節期飲冰調人方導水嘉聲馳

九牧惠化允千祀時雨侔昔賢方猷貫前史佇爾頌

中和吾將令卿士

德宗

元日退朝觀軍仗歸營云獻歲視元朔萬方咸在庭

端旒揖群后迴輦閱師貞綵仗宿華殿退朝歸禁營

分行左右出轉旆風雲生歷歷趨複道容容映層城

勇餘矜捷技令肅無喧聲眷此戎旅節載嘉良工誠

順時傾宴賞亦以助文經

中和節日宴百寮賜詩云韶華啓仲序初吉諧良辰

肇茲中和節式慶天地春歡酣朝野同生德區宇均

雲開灑膏露草疏芳河津歲華方載陽東作方肆勤
慙非薰風唱曷用慰吾人

中和節賜百官讌集因示所懷云至化常在宥保和
茲息人推誠撫諸夏與物長為春仲月風景暖禁城
花柳新芳時協金奏錫燕周群臣絲竹豈云樂忠賢
唯所親庶洽朝野意曠然天下均

帝移晦日為中和節故呂渭詩云皇心不向晦改節
號中和淑氣同風景佳名自詠歌漣裾移舊俗賜尺
下新科曆象千年正醕醑四海多正元八年試宏詞
詩以中和節應詔

重陽日即事云令節曉澄霽四郊煙靄空天青白露
潔菊散黃金叢寡德荷天貺順時休百工豈懷歌鐘
樂思為君臣同至化在亭育相成資始終未知康衢
詠所仰惟年豐

豐年多慶九日示懷云爽氣肅時令早衣聞朔鴻重
陽有佳節具物欣年豐皎潔暮潭色芬敷新菊叢芳
樽滿衢室繁吹凝煙空惠合信吾道保和惟爾同推
誠至玄化天下期為公

九日絕句云禁苑秋來爽氣多昆明風動起滄波中
流簫鼓誠堪賞詎假橫汾發棹歌

重陽中外同懽餘字韻群臣亦以其韻奉和故權德輿云宸衷在化成藻思煥瓊琚微臣侍竊抃豈足歌
唐虞

又重陽即事豐年多慶二詩以同字韻亦依以奉和故德輿前章云天道允下濟睿詞敷大中後章云澤均行葦厚年慶華黍豐武元衡前章云重陽德澤振萬國歡娛同後章云賡歌禹功盛擊壤堯年豐九奏碧霄裏千官皇澤中

重陽日中外同歡以詩言志因示群官云爽節在重九物華新雨餘清秋黃葉下菊散金潭初萬實行就稔百工欣所如歡心暢遐邇殊俗同車書至化自敦睦佳辰宜宴胥鏘鏘間絲竹濟濟羅簪裾此樂匪足耽此誠期未孚

七月十五日題章敬寺云招提邇皇邑複道連重城法筵會早秋駕言訪禪窟嘗聞大仙教清淨宗無生七物匪吾寶萬行先求成名相既雙寂繁華奚所榮金風扇微涼遠煙凝翠晶松院靜苔色竹房深磬聲境幽真慮恬道勝外物輕意適本非說含毫空復情

正元七年

正元五年初置中和節帝製詩寫本賜戴叔倫於容

州詩云東風變梅柳萬彙生春光中和紀月令方與
天地長耽樂豈予尚謔茲時景良庶遂亭育恩同致
寰海康君臣末終始交泰符陰陽曲沼水新碧華林
地稍芳勝賞信多歡戒之在無荒

送徐州張建封還鎮云牧守寄所重才賢生為時宣
風自淮甸授鉞膺藩維入覲展遐戀臨軒慰來思忠
誠在方寸感激陳情詞報國爾所尚恤人予是資歡
宴不盡懷車馬當還期穀雨將應候行春猶未遲勿
以千里遙而云無已知正元後藩帥入朝
獨建封獲賜詩

帝善為文尤長於篇什每與學士言詩於浴堂殿夜

分不寐正元中昭義節度李抱真薦貝州宋庭芬之
女若昭召入禁中試文帝咨美帝每與侍臣賡和若
昭姊若莘等五人皆預呼學士

正元四年九月賜宴曲江亭帝為詩序曰朕在位僅
將十載實賴忠賢左右克致小康是以擇三令節錫
茲宴賞俾大夫卿士得同歡洽也夫共其戚者同其
休有其初者貴其終咨爾群寮順朕不暇樂而能節
職思其憂咸若時則庶乎理矣因重陽之會聊示所
懷詩云

早衣對庭燎躬化勤意誠時此萬機暇適與佳節并

曲池潔寒流芳菊舒金英乾坤爽氣澄臺殿秋允清
朝野慶年豐喜同會多歡聲永懷無荒誠良事同期情
因詔曰卿等重陽會宴朕想歡洽欣慰良多情發于
中因製詩序令賜卿等一本可中書門下簡定文詞
士三五十人應制同用清字明日內於延英門進來
宰臣李泌等雖奉詔簡擇難於取舍由是百寮皆和
上自考其詩以劉太真及李紆等四人為上等鮑防
于邵等四人為次等張蒙殷亮等二十三人為下等
而李晟馬燧李泌三相之詩不加考第
帝章敬寺詩松院淨苔色竹房深磬聲時人傳誦帝

晚年工詩句臣下莫及每御製奉和退而笑曰排工
俗有投石之戲兩頭置標號曰排公以中不中為勝
負也崔太保在淮南進崔叔靖詩一百篇帝曰此惡
詩何用進時云奉勅惡詩

韋綬以內相感心疾罷還第帝九日作黃菊歌顧左
右曰安可不示韋綬遣使持往綬遽奉和附使進帝
曰為文不已豈願養耶敕曰自今勿復爾

文宗

上元日詩云上元高會集群仙心齋何事欲祈年丹
誠儻徹玉帝座且共吾人慶大田

又云。冀生三五葉。初齊上元羽。客出桃蹊。不愛仙家。登真訣。願蒙四海福。黔黎。

裴度拜中書令。以疾未任朝謝。上已曲江賜宴。群臣賦詩。帝遣中使賜度詩曰。注想待元老。識君恨不早。我家柱石衰。憂來學丘禱。仍賜御札曰。朕詩集中。欲得見卿唱和詩。故令示此。卿疾未差。可異日進來。御札及門而度薨。

常謂左右曰。若不甲夜視事。乙夜觀書。則何以爲人。君耶。每試進士。多自出題目。及所司進所試。披覽吟詠。終日忘倦。常延學士於內庭。討論經義。較量古今。

今宮女以下侍茶湯飲饌。李訓講周易時。方盛夏。遂命取水。王腰帶辟暑犀如意。以賜訓曰。如意足以與卿爲談柄也。讀高郢無聲樂賦。白居易求玄珠賦。謂之玄祖。

帝聽政暇。博覽群書。一日延英顧問宰臣。詩云。呦呦鹿鳴。食野之苹。苹是何草。時宰相楊珪。楊嗣復。陳夷行相顧未對。珪曰。臣按爾雅。苹是蘝。蘝上曰。朕看毛詩。疏葉圓而花白。蘝生野中。似非蘝。蕭。

又一日問宰臣古詩云。輕衫襯跳脫。是何物。宰臣未對。上曰。即今之腕釧也。真詰言。安妃有斲粟金跳脫。

是譬飾

唐紀卷二

十一

帝好五言自制品格多同肅代而古調清峻嘗欲置詩博士東穆李公曰陛下遠慕堯舜而置詩博士况詩人多輕昧於識理今翰林學士皆能文詞而古今篇什足可怡悅聖情帝乃止

李公也

甘露事後帝不樂往往瞠目獨語云須殺此輩令我君臣間絕後賦詩曰輦路生春草上林花滿枝憑高無限意無復侍臣知翌日觀牡丹誦賦吟罷始憶舒元輿之詞歎息泣下因命作樂聊自適宮人沈翹翹者歌河滿子有浮雲蔽白日之句其聲宛轉上因歛

歛問曰汝知之耶此文選古詩第一首蓋忠臣為姦邪所蔽也乃賜金臂環問其從來則吳元濟女也自陷掖廷易姓沈氏配樂籍又奏曰妾本藝方響迺白王也搥則響犀為之願賜臣妾帝命賜之既至命奏涼州之曲音韻清越聽者無不凄然嘗詔開元霓裳羽衣舞參以雲韶肄于廷太常少卿馮定部諸工立箎間端凝若植問李珣以定對帝喜曰豈非能古章句者邪親誦定送客西江詩召升殿賜禁中瑞錦詔悉所著以上嘗與宰相論詩之工拙鄭覃曰詩之工者無若三百篇皆國人作之以刺美時政王者采

唐紀卷二

十一

之以觀風俗且不聞王者為詩也後代辭人之詩華而不實無補於事陳後主隋煬帝皆工於詩不免亡國陛下何取焉單篤於經術上甚重之

常吟杜甫曲江篇云江頭宮殿鎖千門細柳新蒲為誰綠乃知天寶以前樓臺之盛鄭注乃命神策軍淘曲江昆明二池許公卿立亭館兩軍造紫雲樓彩霞亭內出樓額賜之

宣宗

宣宗十二年前進士陳珣等三人應博學宏辭選所司考定名第及詩賦論進訖上於延英殿詔中書舍

人李藩等對上曰凡考試之中重用字如何中書對

曰賦即偏枯駁雜論即褒貶是非詩即緣題落韻如

白雲起封中詩云其間重用文字乃是庶幾亦非常

有例也又曰孰詩重用字對曰錢起湘靈鼓瑟詩有

二不字上曰善撫雲和瑟常聞帝子靈馮夷空自舞

楚客不堪聽逸韻諧金石清音發杳冥蒼梧來怨慕

白芷動芳馨流水傳湘浦悲風過洞庭曲終人不見

江上數峰青

上覽錢公此年宏詞詩曰且一種用文字此詩似不及起起則今之協律文字也合於匏革宮商即變鄭

衛之奏雖謝眺云洞庭張樂夜瀟湘帝子遊雲去蒼梧野水還江漢流未若此鼓瑟一篇摘藻妍華無以加其前進士宏詞詩重字者登科更待明年考校起詩便付吏選

帝好進士及第每對朝臣問及第苟有科名對者必大喜便問所試詩賦題目并主司姓名或佳人物偶不中第必歎惜移時嘗於內自題鄉貢進士李道龍白居易之死帝以詩弔之曰綴玉聯珠六十年誰教冥路作詩仙浮雲不繫名居易造化無爲字樂天童子解吟長恨曲胡兒能唱琵琶篇文章已滿行人耳

一度思卿一愴然帝製秦邊陲曲其詞云海岳咸通及帝垂拱而年號咸通焉庶子裴惲進詩賀聖政有太康字帝怒曰太康失邦乃以比我戶部韋澳奏云晉平吳寇改號太康雖有失邦之言乃見歸美之文上曰天子大須博覽不然幾錯罪愆

舊制盛春內殿賜宴三日帝妙音律每先裁製新曲俾禁中女伶迭相教授至是出宮女數百分行連袂而歌其曲有曰播皇猷者率高冠方履褒衣博帶趨走俯仰皆合規矩于于然有唐堯之風焉有曰葱女踏歌隊者率言葱嶺之士樂河湟故地歸國復爲唐

民也若霓裳曲者皆執節幡被羽服態度疑澹飄飄然有翔雲舞鶴見左右如是數十曲流傳民間出今

正陵遺事

昭宗

陝府唐昭宗有詩云安得有英雄迎歸大內中或曰逍遙樓有太宗詩云昔乘匹馬去今驅萬乘來志意不侔矣乾寧三年李茂貞犯闕帝次華州韓建迎歸郡中帝鬱鬱不樂每登城西齊雲樓遠望明年秋制菩薩蠻二首云登樓遙憶秦宮殿茫茫只見雙飛燕渭水一條流千山與萬丘遠煙籠碧樹陌上行人去

何處是英雄迎奴歸故宮又一日飄飄且在三峰下秋風往往堪霑灑腸斷憶仙宮朦朧煙霧中思夢時時睡不語長如醉早晚是歸期蒼穹知不知

帝戊午年還京庚申歲劉季述為變冊德王帝明年正月一日返正改元天復十一月朱全忠領兵入河中四日冬節帝又為鳳翔兵士擁幸岐城帝在城中忽一旦大雷雨牛馬震死街西古槐殿東鴟吻立碎帝為詩曰只解劈牛兼劈樹不能誅惡復誅兇朱全忠迎駕圍逼首涉二載癸亥正月駕幸全忠軍乃還京甲子歲全忠遣寇彥卿逼幸洛四月改元天祐帝

唐紀卷三
在洛嘗曰訖于山頭凍死雀何不飛去生處樂

唐詩紀事卷第二

唐詩紀事卷第三

武后

徐賢妃

上官昭容

越王貞

韓王元嘉

孔紹安

鄭世翼

董思恭

何仲誼

沈叔安

陸敬

袁朗

牛鳳及

朱子奢

庚抱

張文恭

陳叔達

薛收

武后

天授二年臘卿相欲詐稱花發請幸上苑有所謀也
許之尋疑有異圖乃遣使宣詔曰明朝遊上苑火急
報春知花須連夜發莫待曉風吹於是凌晨名花布

苑群臣咸服其異后託術以移唐祚此皆妖妄不足信也大凡后之詩文皆元萬頃崔融輩為之

同太平公主遊九龍潭則天御製云山窓遊玉女澗戶對瓊峰巖頂翔雙鳳潭心倒九龍酒中浮竹葉杯上寫芙蓉故驗山家賞唯有入松風

萬歲通天元年鑄九鼎成置于東都明堂之庭后自製曳鼎歌令曳者唱和焉開元二年太子賓客薛謙光獻東都九鼎銘其蔡州鼎銘武后所制文曰犧農首出軒昊膺期唐虞繼踵湯禹乘時天下炎宅域內雍熙上玄降鑿方建隆基紫微令姚元崇奏曰聖人

啓運休兆必彰請宣付史館

明皇御名已兆於此

徐賢妃

秋風函谷應詔云秋風起函谷勁氣動河山偃松千嶺上離雨二陵間低雲愁廣隰落日慘潼關此時飄紫氣應驗真人還

長安崇聖寺有賢妃粧殿太宗曾召妃久不至怒之因進詩曰朝來臨鏡臺粧罷暫徘徊千金始一笑一召詎能來

正觀二十三年上疏諫太宗息兵罷役其略曰大業者易驕願陛下難之善始者難終願陛下易之又曰

漆器非延叛之方，桀造之而人叛。玉杯豈招亡之術，紂用之而國亡。侈麗之源不可不遏，作法於儉，猶恐其奢。作法於奢，何以制後。

賢妃名惠，湖州人。生五月能言，四歲通論語，八歲曉屬文。父孝德嘗試使擬離騷，為小山篇曰：「仰幽巖而流盼，撫桂枝以凝想。將千齡兮此遇，荃何為兮獨往。孝德大驚，知不可掩，於是所論著遂傳。大宋知之，召為才人，遷充容。永徽元年卒，贈賢妃。弟齊暉子堅，皆以學名。

上官昭容

綵書怨云：「葉下洞庭初，思君萬里餘。露濃香被冷，月落錦屏虛。欲奏江南曲，貪封薊北書。書中無別意，唯悵久離居。」

九月九日上幸慈恩寺登浮圖，羣臣上菊花壽酒賦詩。婕妤獻詩云：「帝里重陽節，香園萬葉來。却邪萸入佩，獻壽菊傳杯。塔類承天湧，門疑待佛開。睿詞懸日月，長得御昭回。」

十月駕幸三會寺，婕妤獻詩云：「釋子談經處，軒臣刻字留。故臺宜老識，殘簡聖皇求。駐驂懷千古，開襟望九州。四山緣塞合，一水夾城流。宸翰陪瞻仰，天杯接

獻酬太平詞藻盛長願託鴻休

中宗立春日遊苑迎春昭容應制云密葉因裁吐新
花逐剪舒攀條雖不謬摘藥詎知虛春至由來發秋
還未肯踈借問桃將李相亂欲何如

長寧公主流杯池六首

玉環騰遠創金埒荷殊榮弗玩珠璣飾仍留仁智情
鑿山便作室憑樹即為楹公輸與班爾從此遂韜聲

其一

登山一長望正遇九春初結駟填街術閭閻滿邑居
鬪雪梅先吐驚風柳未舒直愁斜日落不畏酒樽虛

其二

霽曉氣清和披襟賞薜蘿玳瑁凝春色琉璃漾水波
跂石聊長嘯攀松乍短歌除非物外者誰就此經過
暫尔遊山第淹留惜未歸霞牕明月滿澗戶白雲飛
書引藤為架人將薜作衣此真攀翫所臨睨賞光暉

其四

放曠出煙雲蕭條自不群漱流清意府隱几避囂氛
石畫裝苔色風梭織木文山室何為貴唯餘蘭桂薰

其五

策杖臨霞岫危步下霜蹊志逐深山靜途隨曲澗迷

漸覺心神逸，俄看雲霧低。莫恠人題樹，祇為賞幽棲。
七言沁水田園先自多，齊城樓觀更無過。倩語張騫
莫辛苦，人今從此識天河。其一

參差碧岫聳蓮花，潺湲綠水瑩金沙。何須遠訪三山
路，人今已到九仙家。其二

憑高瞰迥足怡心，菌閣桃源不暇尋。餘雪依林成玉
樹，殘雲點岫即瑤岑。其三

九言攀藤招逸客，偃桂叶幽情。水中看樹影，風裏聽
松聲。其一

携琴待叔夜，負局訪安期。不應題石壁，為記賞山時。其二

泉石多仙趣，巖壑寫奇形。欲知堪悅耳，唯聽水泠泠。其三

巖壑恣登臨，瑩目復怡心。風篁類長笛，流水當鳴琴。四
懶步天台路，惟登地肺山。幽巖仙桂滿，今日恣情攀。五

暫遊仁智所，蕭然松桂情。寄言棲遁客，勿復訪蓬瀛。六
瀑溜晴疑雨，叢篁晝似昏。山中真可翫，暫請報王孫。七

傍池聊試筆，倚石旋題詩。預彈山水調，終擬從鍾期。八
橫鋪豹皮褥，側戴鹿胎巾。借問何為者，山中有逸人。九

四言檀藥竹影風，颭松聲不煩歌吹。自足娛情。其一
仰循茅宇，俯眄喬枝。煙霞問訊，風月相知。其二

枝條鬱鬱，文質彬彬。山林作伴，松桂為隣。其三

清波洶湧碧樹冥蒙莫恠留步因攀桂叢其四

莫論圓嶠休說方壺何如曾館即是仙都其五

三言逐仙賞展幽情喻崑閬邁蓬瀛其一

遊曾館陟秦臺汗山壁愧瓊環其二

張說作昭容文集序云古者有女史記功書過有女
尚書記事宮閣昭容兩朝專美一日萬機顧問不遺
應接如響雖漢稱班媛晉譽左嬪文章之道不殊輔
佐之功則異迹秘九天之上身沒重泉之下嘉猷令
範代罕得聞庶幾後學嗚呼何仰然則大君據四海
之圖懸百靈之命喜則九圍挾纊怒則千里流血靜

則黔黎又安動則蒼忙罷弊入耳之語諒其難乎貴
而勢大者疑賤而禮絕者隔近而言輕者忽遠而意
忠者忤惟窈窕柔曼誘掖善心忘味九德之衢傾情
六藝之圃故登崑巡海之意寢剪胡刈越之威息璿
臺珍服之態消從禽嗜樂之端廢獨使溫柔之教漸
於生人風雅之聲流於來葉非夫元黃毓粹正明助
思衆妙扶識群靈挾志誕異人之寶授興王之瑞其
孰能臻斯懿乎鎮國太平公主道高帝妹才重天人
昔嘗共遊東辟同宴北渚倏來忽往物在人亡憫離
瑄之殘言悲素扇之空曲上聞天子求椒房之故事

有命史臣叙蘭亭之新集

中宗正月晦日幸昆明池賦詩群臣應制百餘篇帳殿前結綵樓命昭容選一首爲新翻御製曲從臣悉集其下須臾紙落如飛各認其名而懷之旣進唯沈宋二詩不下又移時一紙飛墜競取而觀乃沈詩也及聞其評曰二詩工力悉敵沈詩落句云微臣彫朽羞覩豫章材蓋詞氣已竭宋詩云不愁明月盡自有夜珠來猶陟健舉沈乃伏不敢復爭宋之問詩曰春豫靈池近滄波帳殿開舟凌石鯨動查拂斗牛迴節晦莫全落春遲柳暗催象溟看浴景燒劫辨沉更

鎬飲周文樂汾歌漢武才不愁明月盡自有夜珠來昭容名婉兒西臺侍郎儀之孫父廷芝與儀死武后時毋鄭方妊夢巨人昇大秤曰持此稱量天下昭容生踰月每戲曰稱量者豈爾耶輒啞然應後內秉機政符其夢云自通天以來內掌詔命中宗立進拜昭容帝引名儒賜宴賦詩婉兒常代帝及后長寧安樂二公主衆篇並作而采麗益新又差第群臣所賦賜金爵故朝廷靡然成風當時屬辭大抵浮靡然皆有可觀昭容力也韋后之敗斬闕下

中宗幸温湯獻三絕句云三冬季月景龍年萬乘觀

風出灞川遙看電躍龍為馬迥矚霜原玉作田

鸞旗掣曳拂雲迴羽騎驟躡躡景來隱隱驪山雲外

聳迢迢御帳日邊開

翠幕朱帷敞月管金壘玉竿泛蘭英歲歲年年常扈

蹕長長久久樂承平

正元十四年崔仁亮於東都買得研神記一卷有昭

容列名書縫處呂溫感歎因賦上官昭容書樓歌云

漢家婕妤唐昭容上詩能賦千載同自言才藝是天

真不服丈夫勝婦人歌闌舞罷閑無事縱恣優游弄

文字玉樓寶架中天居緘竒秘異萬卷餘水精編帙

綠鈿軸雲母擣紙黃金書風飄花露清旭時緝窻高

挂紅綃帷香囊盛煙繡結絡翠羽拂案青琉璃吟披

嘯卷紛無已皎皎淵機破研理詞縈絲翰紫鸞迴思

耿寥天碧雲起碧雲起心悠哉境深轉苦坐自催金

梯珠履聲一斷瑤塔日夜生青苔青苔秘仙關曾比

群玉山神仙杳何許遺逸滿人間君不見洛陽南市

賣書肆有人買得研神記紙上香多蠹不成昭容題

處猶分明令人惆悵難為情

高宗後苑雙頭牡丹昭容詩云勢如連壁友心似臭

蘭人

越王貞

和過温湯詩鳳輦騰宸駕驪籟次乾遊坎德踈温液
山隈派暖流寒氛空外擁蒸氣沼中浮林凋帷影散
雲歛蓋陰收霜郊暢玄覽參差落景適

貞善騎射涉文史有吏幹為宗室材王中宗廢居房
陵貞為豫州刺史垂拱四年八月起兵圖反正事兵
敗及禍

韓王元嘉

奉和同太子監守違戀詩云乾象開層屋離明啓少
陽卜征從獻吉守噐屬元良逝矣凌周誦遙哉掩漢

莊好士傾南洛多才盛北場地分丹鷲嶺途間白雲
鄉儲誠爰曉夕宸愛積炎涼珠璧連霄漢萬物仰重

光高宗為太子也

元嘉高祖子垂拱中刺絳州與越王子冲圖舉兵冲
敗元嘉至京師謀泄后逼令自殺孟利正嘗稱其文
曰劉隣之周思茂不過也

孔紹安

石榴詩可惜庭中樹移根逐漢臣只為時來晚開花
不及春

詠天桃云結葉還臨影飛香欲徧空不意餘花落翻

沉露井中

唐紀卷三

紹安大業末為監察御史高祖為隋討賊河東紹安
監其軍深見接遇高祖受禪紹安自洛陽間行來奔
高祖大悅拜內史舍人時夏侯端亦嘗為御史先來
歸紹安授祕書監因侍宴詠石榴有祇為時來晚開
花不及春之句武德中令狐德棻欲補正歷代史記
各差官主修一代紹安以中書舍人與崔善為蕭德
言主梁多歷年不能就皆罷之紹安在隋時與孫萬
壽以文辭稱時謂孫孔

紹安贈善君詩云疇昔同幽谷伊爾遷喬木赫奕盛

青紫討論窮簡牘

賦結客少年場云結客佩吳鉤橫行度隴頭鴈在弓
前落雲從陣後浮吳師驚燧象燕將警奔牛轉蓬飛
不息水河結未流若使三邊定當封萬戶侯

鄭世翼

過嚴君平古井詩云嚴平本高尚遠蹈古人風賣卜
成都市流名大漢中舊井改人世寒泉久不通年多
既罷汲無禽乃遂空如何屬秋氣唯有雙井桐
看新婚詩云初筭夢桃李新粧應標梅疑逐朝雲去
翻隨暮雨來雜珮含風響叢花隔扇開姮娥對此夕

唐紀卷三
何用久徘徊

登北邙還至京洛詩云步登北邙阪踟躕聊寫望宛
洛盛皇居規模窮大壯三河分設儉兩嶠資巨防飛
觀紫煙中層臺碧雲上青槐夾馳道迢迢脩且曠左
右多第宅參差居將相清晨謁帝返車馬相追訪胥
徒各異流文物紛殊狀囂塵暗天起簫管從風颺伊
余忠且直生平獨淪喪山幽有桂叢何為坐惆悵
世翼滎陽人武德時為揚州錄事參軍數以言忤物
有崔信明者嘗矜其文謂過李百藥世翼遇之江中
謂曰聞公有楓落吳江吟願見其餘信明欣然多出

衆篇世翼覽未終曰所見不逮所聞投諸水引舟去
正觀時坐怨謗流死舊州

世翼巫山高云巫山凌太清峴類削成霏霏暮雨
合靄靄朝雲生危峰入鳥道深谷寫猿聲別有幽棲
客淹留攀桂情

董思恭

星詩云歷歷東井舍昭昭右掖垣雲際龍文出池中
鳥色翻流暉下月路墮影入河源方知潁川集別有
太丘門

雪詩云天山飛雪度言是落花朝惜哉不我與蕭索

健風飄鮮潔凌紈素紛糅下枝條良書竟何在坐見容華銷

虹詩云春暮萍生早日落雨飛餘橫彩分長漢倒色媚清渠梁前朝影出橋上晚光舒願逐旌旗轉颼颼侍直廬

霧詩云蒼山寂已暮翠觀黯將沉終南晨豹隱巫峽夜猿吟天寒氣不歇景晦色方深侍訪公超市將予赴華陰

詠日云滄海十枝暉玄圃重輪慶舜華發晨檻凌彩翻朝鏡忽遇驚風飄自有浮雲快更也人皆仰無待

揮戈正

昭君怨云琵琶馬上彈行路曲中難漢月正南遠燕山直北寒髻環風拂破眉黛雪沾殘斟酌紅顏改徒勞握鏡看

詠月云北堂未安寢西園聊騁望玉戶照羅幃珠軒明綺幃別客長安道思婦高樓上所願君莫遺清風時可訪

野郊愴新別河橋非舊餞慘日映峰沉愁雲隨蓋轉哀笳時斷續悲旌乍舒卷望望情何極浪浪淚空泫無復昔時人芳春共誰遣

詠琵琶云半月無雙影金花有四時權藏千里態掩
抑幾重悲促節縈紅袖清音滿翠帷駛彈風響急緩
曲釧聲遲空餘關隴恨因此代相思

詠弓詩云上弦明月半激箭流星遠落鴈帶書驚啼
猿映枝轉

詠桃詩云禁苑春光麗花蹊幾樹裝綴條深淺色點
露參差光向日分千笑迎風共一香如何仙嶺側獨
秀隱遙芳

詠李詩云盤根植瀛渚交榦橫倚天舒莖兆四海卷
葉蔭三川

守歲詩云暮景斜芳殿年華聶綺宮寒辭去冬雪暖
帶入春風階馥舒梅素盤花卷燭紅共歡新故歲迎
送一霄中

又云歲陰窮暮紀獻節啓新芳冬盡今宵促年開明
日長冰銷出鏡水梅散入風香對此歡終宴傾壺侍
曙光

思恭高宗時中書舍人同撰瑶山玉彩

何仲誼

七夕賦詠成篇云日日思歸勤理鬢朝朝佇望懶調
梭凌風寶扇遙臨月映水仙車遠渡河歷歷珠星疑

唐紀卷三
拖珮冉冉雲衣似曳羅通霄道意終無盡向曉離愁
已復多

仲諠武德正觀間人也

沈叔安

七夕賦詠成篇云皎皎霄月麗秋光耿耿天津橫復
長停梭且復畱殘緯拂鏡及早更新粧彩鳳齊駕初
成輦凋鵲填河已作梁雖喜得同今夜枕還愁重空

明日牀

南部新書云武德七年遣刑部尚書沈叔安携天尊
像賜高麗後為潭州都督圖形凌煙閣

陵敬

七夕詩云夙駕鳴鑿啓閭闔霓裳遙裔儼天津五明
霜紈開羽扇百和香車動畫輪婉孌夜分能幾許靚
粧冶服為誰新片時歡娛自有極已復長望隔年人
敬女集十四卷高祖時人也初為竇建德國子祭酒
秦王軍武宰建德軍迫於武宰不得進敬說令取懷
州踰太行入上黨趨壺口駭蒲津乘唐國之虛以取
山北建德不從以及於敗其偽官屬皆降唐

袁朗

秋日應詔詩云玉樹涼風舉金塘細草萎葉落商飈

觀鴻歸明月池迎寒桂酒熟含霧菊花垂一奉章臺
宴千秋長願斯

朗父樞仕陳為德教殿學士陳亡入隋唐初朗為秦
王府文學太宗時為給事中卒帝曰朗任淺而性謹
厚使人悼惜

賦飲馬長城窟云朔風動秋草清蹕長安道長安運
不窮所以隔華戎規模唯聖作荷負曉成功鳥庭已
向內龍荒更鑿空玉關塵卷靜金微路已通湯征隨
北怨齊誅起南風盡野功初立綏邊事云集朝服踐
狼居凱歌旋馬邑山響傳鳳吹霜華藻瓊鉞屬國擁

節歸單于款關入日落寒風起驚河被原隰零落葉
已寒河流清且急四時徭役靜千載干戈戢太平今
若斯汗馬意無施唯當事筆硯歸去草封禪

牛鳳及

奉和受圖溫洛詩云八神文玉輦六羽警瑤溪戒道
伊川北通旌澗水西御圖開洛置刻石與天齊瑞日
波中上仙禽霧裡低微臣矯弱翮抃舞接鸞鷲
劉軻與馬植論史官書云文皇帝受命有若魏鄭公
揚仁卿牛鳳及

朱子奢

文德皇后挽歌云神京背紫陌駟駟結行輶北失橫
橋道西分清渭流寒炎向壟沒霜氣入松楸今日泉
臺路非是濯龍遊

子奢蘇州人正觀時為諫議大夫善文辭為人樂易
能劇談以經誼緣飾每侍宴帝令論難群臣

庾抱

賦得胥臺露詩云胥臺既落室荆棘稍侵扉棟折連
雲影梁權照日暉翔鶴遂不反巢燕反無歸唯有團
階露承曉共霑衣

抱仕隋為元德太子學士高祖起兵太子封蘭西公

以抱為記室文檄皆出其手俄為東宮學士正觀初
徙趙王友卒

張文恭

七夕詩云鳳律驚秋氣龍梭靜夜機星橋百枝動雲
路七香飛映月迴雕扇凌霞曳綺衣含情向華幄流
態入重闈歡餘夕漏盡怨結曉驂歸誰念分河漢還
憶兩心違

文恭正觀時人與房元齡辛丘馭李懷儼趙洪智劉
禕之陽仁鄉上官儀李淳風等同修晉書名為御撰

陳叔達

字子聰陳宣帝子武德初判納言太宗時拜禮部尚
書明辯善為容

初年詩云和風起天路嚴氣銷冰井索索枝未柔厭
厭漏猶水

春首詩曰雪花聯玉樹水彩散瑤池翔禽遙出沒積
翠遠參差

又早春桂林殿應詔詩曰金鋪照春苑玉律動年華
朱樓雲似蓋丹桂雪如花冰岍銜塔轉風條出柳斜
輕輿臨太液仙露酌流霞

聽隣人琵琶詩云本自龍門桐因妍入漢中香由羅

袖裏聲逐朱絃中離有相思韻翻將入塞同關山臨
却月花藥散迴風為將金谷引添令曲未終

薛收

琵琶賦云惟茲器之為宗摠群樂而居妙應清角之
高節發號鐘之雅調處躁靜之中權執踈密之機要
遏浮雲而散彩揚白日以垂耀爾其狀也龍腹鳳頭
熊據龍旋戴曲履直破觚成圓虛心內受勁質外宣
磅礴象地穹崇法天候八風而運軸感四氣而鳴絃
金華徘徊而月照玉桂的歷以星懸

收字伯褒蒲州人善屬文為秦王府主簿陝東大行

臺金部郎中武德七年卒太宗即位語元齡曰收若在朕當以中書令處之收與弟德音元欽齊名号河東三鳳收為長雛德音為鸞鷲元敬年最少為鷓雛

唐詩紀事卷第三

唐詩紀事卷第四

王珪

褚亮

虞世南

蔡允恭

許敬宗

劉孝孫

魏徵

楊師道

岑文本

李百藥

來濟

長孫無忌

杜正倫

馬周

李義府

陳子良

杜之松

崔善為

王績

王珪

詠漢高祖云漢祖起豐沛乘運以躍鱗手奮三尺劍西滅無道秦十月五星聚七年四海賓高抗威宇宙貴有天下人憶昔與項王契闊時未伸鴻門既薄蝕

一唐紀卷四
榮陽亦蒙塵。蟻虱生介冑。料卒多苦辛。瓜牙驅信越。
腹心謀張陳。赫赫西楚國。化爲丘與榛。
詠淮陰侯韓信云。秦王日凶慝。豪傑爭共亡。信亦胡
爲者。劔歌從項梁。項羽不能用。脫身歸漢王。道契君
臣合。時來名位彰。北討燕承命。東驅楚絕糧。斬龍堰
灘水。擒豹潛夏陽。功成享天祿。建旗還南昌。金千鈞。
漂母錢百酬。下鄉吉凶成。糾纏倚伏難。預詳弓藏狡。
鬼盡慷慨念心傷。
珪字叔玠。相太宗母李最賢。老杜詩有我之曾老姑。
爾之高祖母謂李也。

褚亮

字希明。錢塘人。警敏。工爲詩。正觀中爲散騎常侍。武
德四年太宗爲天策上將軍。宮城西開文館。下教以
杜如晦房元齡于志寧蘇世長薛收褚亮姚思廉陸
德明孔穎達李玄道李守素虞世南蔡允恭顏相時
許敬宗薛元敬蓋文達蘇勗並以本官爲學士。收卒
以劉孝孫補之。使亮爲贊。
奉和詠日午詩云。曦車日亭午。浮箭未移暉。日光無
落照。樹影正中圍。草萎看靡稱。葉燥望疑稀。晝寢慙
經笥。暫解入朝衣。

燭花詩云蘭徑香風滿梅梁暖日斜言是東方騎來
尋南陌車曆星臨夜燭眉月隱輕紗莫言春稍晚自
有鎮開花

賦得蜀都詩云列宿光輿井分土跨梁岷沉犀對江
浦駟馬入城闈英圖多霸跡歷選有名臣連騎簪纓
滿含章詞賦新得上僊槎路無待訪嚴遵

秋鴈云日暮霜風急羽翮轉難任為有傳書意翩翩
入上林

秋享送文舞用舒和歌云御宸合宮承寶曆帝圖重
館奉明靈偃武修文九圍泰沉烽靜拆八荒寧

祀五方用舒和歌云笙歌簫舞蜀年韶鷺鼓鳧鐘展
時豫調露初迎綺春節承雲遽踐蒼霄馭

樂府詞云高臺暫俯臨飛翼聳輕音浮光隨日度漾
影逐波深迥瞰周平野開懷暢遠襟獨此三休上還
傷千里心

奉和禁苑餞別應令詩云大蕃初錫瑞出牧邇皇京
暫以綠車重言承朱邸榮舒桃臨遠騎垂柳映軍營
惠化宣千里威風動百城禁蘂芳嘉節神襟餞送情
金笳催別景玉管切離聲野花開且落山鳥哢還驚
微臣夙多幸薄官奉儲明鈞臺慙作賦伊水濫聞笙

懷德良知父酬恩識命輕

和望月應魏王教詩云層軒澄皎月流照滿中天色
共梁珠遠光隨趙璧圓落影臨秋扇虛輪入夜僊所
欣東館裏預奉西園篇

虞世南

和鸞輿頓戲下詩云重輪依紫極前耀奉丹青天經
戀宸宸帝命扈仙鑣乘星開鶴禁帶日下虹橋銀書
含曉色金輅轉晨飈霧澈軒營近塵暗苑城遙蓮花
分秀萼竹箭下驚潮撫已慙龍幹承恩集鳳條瑤山
盛風樂抽簡薦徒謠

侍宴應詔詩云芬芳禁林晚容與桂舟前橫空一鳥
度照水百花燃綠野明斜日青山澹晚煙溫得陪終
宴握管類窺天

奉和詠日午詩曰高天淨秋色長漢轉曦車玉樹陰
初正桐圭影未斜翠蓋飛圓影明鏡發輕花再中良
表瑞共仰璧輝賒

奉和月夜觀星應令詩曰早秋炎景暮初絃月彩新
清風徐暑氣零露淨躡塵薄霧銷輕縠鮮雲卷夕鱗
休光灼前曜瑞彩接重輪緣情摘聖藻並作命徐陳
宿草誠渝濫吹噓偶措紳天文豈易述徒知仰北辰

又春夜詩云春苑月徘徊竹堂侵夜開驚鳥排林度
風花隔水來

凌晨早朝云萬瓦霄光曙重簷夕霧收玉花停夜燭
金壺送曉籌日暉青鎖殿霞生結綺樓重門啓應路
通籍引王侯

詠舞詩云繁絃奏淶水長袖轉迴鸞一雙俱應節還
似鏡中看

賦得吳都詩云畫野通淮泗星躔應斗牛玉牒宏圖
表黃旗美氣浮三分開霸業萬里宅神州高臺臨茂
苑飛閣跨沉流江濤如素蓋海氣似朱樓吳越自有

樂還似鏡中遊

賦飲馬長城窟云馳馬渡河干流深馬渡難前逢錦
車使都護在樓蘭輕騎猶衝勒疑兵尚解鞍温池下
絕棧澗道接危巖拓地勲未賞亡城律詎寬有月關
猶暗經春隴尚寒雲昏無復影冰合不聞湍懷君不
可遇聊待報一餐

賦鶴云飛來雙白鶴奮翼達凌煙俱棲集紫蓋一舉
背青田颺影過伊落流聲入管絃鳴儔倒景外刷羽
閱風前顧步已相失徘徊各自憐危心猶警露哀響
詎聞天無因振六翮輕舉復隨仙

賦結客少年場云韓魏各奇節憫儻遺名利共矜然
諾心各負縱橫意結友一言重相思千里至淶沈明
月絃金絡浮雲響吹簫入吳市擊筑遊燕肆尋源博
聖侯結客遠相求少年垂一顧長驅背隴頭啖啖戈
霜動耿耿劍虹浮天山冬夏雪交河南北流雲起龍
沙暗木落鴈行秋輕生徇知己非是爲身謀
怨歌行云紫殿秋風冷彫甍落日沉裁絃悵斷曲織
素別離心掖庭若改畫長門不惜金寵移恩稍薄情
踈恨轉深香銷翠羽帳絃斷鳳凰琴鏡前紅粉歆階
上綠苔侵誰言掩歌扇翻作白頭吟

門有車馬客云陳遵重交結田蚡擅豪華曲臺臨上
路高門抵狹邪赭汗千里馬繡轂五香車白鶴隨飛
蓋朱鷺入鳴笳夏蓮開劍水春桃發綬花輕蓆深回
雪浮蟻泛流霞逢恩借羽翼失路委泥沙

擬古云塗山烽候驚弭節度龍城冀馬樓蘭將燕犀
上谷兵劍寒花不落弓曉月逾明凜凜嚴霜節米壯
黃河絕蔽日卷征蓬浮天散飛雪全兵值月滿精騎
乘膠折結髮早驅馳辛苦事旌麾馬凍重關冷輪摧
九折危漢有西山將年年屈數音燿火發金徽連營
出武威孤城寒雲起絕陣虜塵飛俠客吸龍劍惡少

縵胡衣朝摩骨都壘夜解谷蠡圍蕭關遠無極蒲海
廣難依沙磴離旌斷晴川候馬歸堯河深已畢燕山
旆欲揮方知萬里相侯服有允輝

顏師古隋朝遺事載洛陽獻合蒂迎輦花煬帝令袁
寶兒持之號司花女時詔世南草征遼指揮德音敕
於帝側寶兒注視久之帝曰昔傳飛燕可掌上舞今
得寶兒方昭前事然多憨態今注目於卿卿才人可
便嘲之世南為絕句曰學盡鴟黃半未成垂肩鞞袖
太憨生緣憨却得君王惜長把花枝傍輦行

世南越州人仕太宗帝每稱其有五絕德行忠直博
學文詞書翰也既卒帝曰世南於我猶一體拾遺補
闕無日忘之蓋當代名臣人倫準的今其云亡石渠
東觀中無復人矣

蔡允恭

允恭在隋時奉和出頽至淮詩云夕倦川涂曲忽此
望淮圻波長泛淼淼晚迴情依依稍覺金烏轉漸見
錦帆稀欲知仁化洽謳歌遠路歸

允恭荊州江陵人工為詩在隋時煬帝有所賦必令
諷誦遣教宮人允恭耻之授內史舍人固辭繇是踈
斥隋亡歸唐正觀初除太子洗馬卒

許敬宗

奉和正日臨朝云天上開初節日觀上重輪百靈滋
景祚萬土慶惟新待旦敷玄造韜旒御紫宸武帳臨
允宅文衛象鈞陳廣庭揚九奏大帛麗三辰發生同
化育播物體陶鈞霜空澄曉氣靄景瑩芳春德暉覃
率土相賀奉還淳

奉和七夕應制云牛閨臨淺漢鸞駟涉秋河兩河縈
別緒一宿慶停梭星模鈇裏曆月寫黛中蛾奈許令
霄度長嬰離恨多

又應制婺閨期今夕蛾輪泛淺潢迎秋伴暮雨待暝
合神允薦寢低雲鬢程熊解霓裳喜中怨漏促別後
怨天長

七夕賦詠云一年抱怨嗟長別七夕含言始能歸聽
飄羅襖允天步灼灼新粧鑒月輝情催巧笑聞星曆
不惜呈露解雲衣所歎却隨更漏盡掩泣還弄昨霄
機

敬宗字延族杭州人太宗時檢校黃門侍郎高宗時
中書令在唐史姦臣傳

劉孝孫

詠笛詩云涼秋夜鳴笛流風詠九成調高時慷慨曲

變或淒清。征客懷離緒。鄰人思舊情。幸以知音顧。千載有高聲。

早發成臯望河詩云。清晨發嶮色。車馬走鞞鞞。迴瞰黃河上。倘恍屢飛魂。鴻流導積石。驚浪下龍門。仙槎不辨處。沉壁想猶存。遠近洲渚出。颯沓鳧鴈喧。懷古空延佇。歎逝將何言。

老孫荊州人。正觀六年遷太子洗馬。未拜卒。

魏徵

正日臨朝應詔詩曰。百靈侍軒后。萬國會塗山。豈如今睿哲。邁古獨允前。聲教溢四海。朝宗別百川。鏘洋

鳴玉珮。灼爍耀金蟬。淑景輝雕輦。高旌揚翠煙。庭實超王會。廣樂盛鈞天。既傾東日戶。復泳南風篇。願奉允華慶。從斯萬億年。

出關作云中。原初逐鹿。投筆事戎軒。縱橫計不就。慷慨志猶存。杖策謁天子。驅馬出關門。請纓係南越。憑軾下東蕃。鬱紆陟高岫。出沒望平原。古木吟寒鳥。空山啼夜猿。既傷千里目。還驚久逝魂。豈不憚艱險。深懷國士恩。季布無二諾。侯嬴重一言。人生感意氣。功名誰復論。

徵字元成。魏州人。相太宗。致太平。天下既治。懼帝喜。

武功嘗賦詩曰終籍叔孫禮方知皇帝尊帝曰徵言未嘗不約我以禮徵士帝賦詩曰望望情何極浪浪淚空滋無復昔時人芳春共誰遣

太宗在洛陽宮幸積翠池宴酣各賦一事帝賦尚書曰日吳翫百篇臨燈披五典夏康既逸豫商辛亦流洄恣情昏主多克已明君鮮滅身資累惡成名由積年徵賦西漢曰受降臨軼道爭長趣鴻門驅傳渭橋上觀兵細柳屯夜宴經栢谷朝遊出杜原終籍叔孫禮方知皇帝尊帝曰徵言未嘗不約我以禮

楊師道

字景獻清警有才思正觀十年拜侍中參預朝政後為太常卿每與文士宴歌詠自適帝見其詩為擿諷嗟賞後賜宴帝曰聞公每酣賞捉筆賦詩如宿成試為朕為之師道再拜少選輒成無所竄定一坐嗟伏春朝閑步詩云偃沐乘閑豫清晨步出林池塘籍芳草蘭芷襲幽衿霧中分曉日花裏哢春禽野徑香常滿山階筍屢侵何須命輕蓋桃李自成陰又初秋夜坐應詔詩云玉琯涼初應金壺夜漸闌蒼池流稍繫仙掌露方團鴈聲風處斷樹影月中寒爽氣長空淨高吟覺思寒

賦終南山用風字韻應詔詩云眷言懷隱逸較駕踐
幽叢白雲飛夏雨碧嶺冠春虹草綠長揚路花踈五
祚宮登臨日將晚蘭桂起香風

詠硯云圓池類壁水輕翰涿煙翠將軍欲見遠見弃
不應賒

詠飲馬應詔詩云寶馬權奇出未央雕鞍照耀紫金
裝春草初生馳上苑秋風欲動醉長楊鳴珂屢度草
臺側細蹠經何濯龍傍徒令漢將連年去死城今已
獻名王

詠弓詩云霜重麟膠勁風高月影圓烏飛隨帝輦

落逐鳴弦

還山宅詩云暮春還舊嶼徙倚玩年華芳草無遙徑
空山正落花垂藤掃幽石卧柳礙浮槎鳥散茅簷靜
雲披澗戶斜依然北泉路猶是昔煙霞

彈鳴琴詩云北林鵲夜飛南軒月馭進調弦發清徵
蕩心祛褊悵變作離鴻聲還入思歸引長歎未終極

秋風飄素鬢

又詠琴詩云久擅龍門質孤竦嶧陽名齊娥初發弄
趙女正調聲嘉客勿遽反繁弦曲未成

詠笙詩云短長插鳳翼洪細摹鸞音能令楚妃歎復

使荆王吟切切孤竹管來應雲和琴

詠舞云二八如回雪三春類早花分行向燭轉一種
逐風斜

又詠飲馬應詔曰清晨控龍馬弄影出花林躑躅依
春澗聯翩度碧潯苔流染絲絡水潔寫調音一御璫
池駕詎憶長城陰

賦隴頭水云隴頭秋月明隴水帶關城船添離別曲
風送斷腸聲映雪峰猶暗乘水馬屢驚霧中寒鴈至
沙上轉蓬輕天上傳羽檄漢地急徵兵陣門都護道
劍聚伏波營於茲覺無渡方共濯朝纓

正日臨朝應詔云皇猷被寰宇端宸屬元辰九重麗
天色千門臨上春

岑文本

字景仁鄧州人中書侍郎顏師古以譴罷太宗曰朕
自舉一人乃授文本侍郎專典機要

奉和元日臨朝云時雍表昌運日正叶靈符德兼三
代禮功包四海圖踰沙紛在列執玉儼相趨清蹕喧
輦道張樂駭天衢拂蜺九旗映儀鳳八音殊佳氣浮
仙掌薰風繞帝梧天文光七政皇恩被九區方陪瘞
玉禮珥筆岱山隅

奉迷飛白書勢詩云六文開玉篆八體曜銀書飛毫
列錦繡拂素起龍魚鳳舉崩雲絕鸞驚遊霧踈別有
臨池草恩霑垂露餘

李百藥

字重規定州人隋內史令德林子也翰藻沈鬱詩尤
其所長樵廝皆能諷之

正月臨朝應詔詩云化曆昭唐典承天順夏正百樂
警軒禁三辰揚旆旌克庭富禮樂高讌齒簪纓獻壽
符萬歲移風韻九成

少年詞云始酌文君酒新吹弄玉簫少年不歡樂何
以盡芳朝千金笑裏面一榻掌中腰掛冠豈憚宿迎
拜不勝嬌寄語少年子無辭歸路遙

郢城懷古云客心悲暮序登壙瞰平陸林澤窅芊緜
山川鬱重複王公資設險名都拒江隩方城疑北門
溟海窮南服長策挫其豕雄圖競周鹿大蒐雲夢掩
壯觀章萃築人世更不競西師日侵蹙運圯屬驅馳
時屯恣敵朴莫救夷陵火無復秦庭哭鄢郢遂丘墟
風塵俄慘黷狐兔時遊踐霜露日霑沐鈞渚故池平
神臺層宇覆陣雲埋夏首窮陰慘荒谷帳矣洲壑遷
悲哉年祀倏雖異三春望終傷千里目

百藥七歲能屬文聞中書舍人陸文嘗過其父德林有說徐陵文者云刈瑯琊之稻坐客並不識其事百藥進曰傳稱邠人藉稻注云邠國在瑯琊開陽縣人皆驚喜云此兒即神童百藥幼多疾父母以百藥為名名臣之子才行相繼四海名流莫不宗仰藻思沉鬱尤長五言雖樵童牧子亦皆吟諷及懸車告老怡然自得穿池築山文酒譚賓以盡平生之志年八十五先是和太宗帝京篇手詔曰卿何身之老而才之壯齒之宿而意之新乎子安期求微末遷中書舍人自德林至安期三代掌制誥安期孫義仲又為中書

舍人山譚

來濟

揚州人父護兒濟正觀十八年初置太子司議郎高其選以濟為之求微中為相世謂護兒 兒作相世南男作匠是也

濟出玉關絕句云歛轡遵龍漢銜悽渡玉關今日流沙外垂涕念生還

大宋餞中書侍郎來濟詩云暖暖去塵昏灞岍飛飛輕蓋指河梁雲峰衣結千重葉雪岫花開幾樹粧深悲黃鸝孤舟遠獨歎青山別路長聊將分袂霑襟淚

還用持漆離席觴

長孫無忌

無忌嘲歐陽詢形狀猥陋云猥臍成山字埋肩畏出頭誰家麟閣上畫此一彌猴詢應聲曰索頭連背暖漫福畏肚寒祇緣心渾渾所以面團團太宗笑曰詢殊不畏皇后耶

太宗嘗謂唐儉酒杯流行發言可喜是時天下初定君臣俱欲無爲酒杯善謔理亦有之高宗雖不君然亦深察事機當時諸王鬪鷄王勃在沛王府戲爲文檄英王鷄帝見之大怒曰此殆交結之漸即日竄敦

以太宗之賢杯酒一時之樂何足爲後世戒及其弊也中宗詔群臣曰天下無事欲與群臣共樂於是迴波艷辭妖冶之舞作於文字之臣而綱紀蕩然矣創業之難也一觴一詠足以肇亂况其甚焉者哉

杜正倫

相州人工屬文嘗與中書舍人董思恭夜直論文思恭歸謂人曰與杜公評文今日覺吾頓進顯慶初爲相

侍宴北門詩云大君端宸暇睿賞狎林泉開軒臨禁籞藉野列芳筵參差歌管颺溶洩羽旗懸玉池流若

釀雲閣聚非煙湛露晞堯日薰風入舜絃大德佯玄
造微物荷陶甄謬陪瑤水宴仍廁栢梁篇闕名徒十
月鄒辯詎談天既喜允率旦還傷遲暮年猶冀升中
日簪裾奉肅然闕名徒十月疑以傳疑

馬周

凌朝浮江旅思詩云太清上初日春水送孤舟山遠
疑無樹潮平似不流岍花開且落江鳥沒還浮羈望
傷千里長歌遣四愁

周字賓王博州人嗜學善詩春秋天資曠邁武德中
補州助教不治事刺史達奚怒數咎責周乃去客竇
州趙仁本高其才厚以資使入關留客津為浚儀令
崔賢所辱遂感激而西至長安客常何家正觀五年
太宗召之後為中書令

李義府

遙叙封禪詩云天齊標巨鎮日觀啓崇祠昭嶢臨勃
澥隱嶙控河沂建岳誠為長升功亮在茲帝猷符廣
運玄範暢文思飛聲總地絡載化撫乾維瑞策開真
鳳禎圖薦寶龜東后方肆覲西都道六師肅駕移星
苑揚罕馭風司沸鼓喧平陸凝蹕靜通達汶陽馳月
羽蒙陰驚雷輜巖花颺曙輦峰葉蕩春旗石問環藻

衛金壇映黼帷仙階溢秘秬靈險耀祥芝三始貽遐
貺萬歲受重輦非質陶恩獎趨迹奉軒墀觸網淪幽
裔乘徼限明時周南昔已歎邛西今復悲
詠鷺鷥詩云牽弋辭重海觸網去層巖戢翼雕籠際
延思彩霞端慕侶朝聲切離群夜影寒能言殊可賞
相助憶長安

高宗朝義府常賦詩曰鏤月為歌扇裁雲作舞衣自
憐迴雪影好取洛川歸有棗強尉張懷慶好偷竊名
士文章乃為詩曰生情鏤月為歌扇出性裁雲作舞
衣照鑑自憐迴雪影來時好取洛川歸時人為之語

曰活剝張中斷坐吞郭正一

義府初遇以李太亮劉洎之薦太宗召令詠烏義府
曰日裏颺朝彩琴中聞夜啼上林如許樹不借一枝
棲帝曰與卿全樹何止一枝

義府擅殺寺丞畢正義王義方彈義府疏云臣聞履
霜堅冰積小成大請乞重勘當畢正義致死之由雪
冤象於幽泉誅姦臣於白日對伏義府不退義方三
叱上既無言義府趨出義方乃讀彈文義府善柔成
性佞媚為心昔事馬周分桃見寵後交劉洎割袖承
恩生其羽翼長其炎價因緣際會遂階通達不能盡

忠端節對敷王休策蹇勵駑祇奉皇眷而反憑附城
社蔽虧日月請託公行交遊群小貪治容之好原有
罪之淳于恐漏洩其謀殞無辜之正義雖挾山超海
之力望此猶輕迴天轉日之威方斯更劣此如可恕
孰不可容金風戒節玉露啓途霜簡與秋典共清忠
臣將鷹鷂並擊請除君側少益鴻私碎首玉階庶明
臣節伏請付法推斷以申典憲

義府其先瀛州人與來濟俱以文翰顯時稱來李永
徽六年為相王義方庭劾之帝陰德義府故貸不問
為抑義方逐之俄進中書今後以罪流振州朝野相賀

陳子良

詠雪云光映粧樓月花承歌扇風欲妬梅將柳故落
早春中

七夕看新婦隔巷停市詩云隔巷遙停幃非復為來
遲只言更尚淺未是渡河時

得妓詩云微雨散芳菲中園照落暉紅樹遙歌扇綠
珠飄舞衣繁絃調對酒雜引動思歸愁人當此夕羞
見落花飛

新宮詞云春色照蘭宮秦女且窻中柳葉來眉上桃
花落臉中拂塵開扇匣卷帳却熏籠衫薄偏憎日帶

輕更畏風

子良吳人與蕭德言庾抱同為太子學士正觀六年卒

杜之松

和衛尉寺柳詩云漢將本屯營遼河有戍城大夫曾
取姓先生曾得名高枝拂遠鴈踈影度遙星不辭攀
折苦為入管絃聲

之松正觀中為河中刺史谷王績書云辱書知不降
顧艱恨何已僕幸恃故情庶迴高躅豈意康成道重
不許太守稱官老萊家居羞與諸侯為友延佇不獲
如何竒跡獨全幸甚幸甚敬想結廬人境植杖山河

林壑地之所豐煙霞性之所適陰丹桂藉白茅濁酒
一杯清琴數弄誠足樂也此真高士何謂狂生僕憑
藉國恩濫尸貴部官守有限就學無因延頸下風我
勞何極前因行縣實欲祗尋誠恐燉煌孝廉守琴書
而不出酒泉太守列鐘鼓而空還所以遲迴遂攬轡
也僕雖不敏頗識前言道既知尊榮何足恃豈不能
正平公之坐敬養亥唐屈文侯之膝恭師子夏雖齊
相德薄五行無疑睢 夸人一來何損蒙借家禮今
見披尋微而精簡而備誠經傳之典略閨庭之要訓
也睢夸人疑以傳疑

崔善為

呂才序王無功文集云君河中有渚田十數頃又有
隱士仲長子炎服食養性君遂結廬河渚正觀中京
兆杜之松清河崔善為繼為州刺史皆召之君曰柰
河坐召君平耶

荅無功冬夜載酒鄉館詩云須條忝貴郡懸榻久相
望處士同楊鄭邦君謝李疆詎知方擁篲逢子敬惟
乘明朝蓬戶側會自謁任棠

荅無功九日詩秋來菊花氣深山客重尋露葉疑涵
玉風花似散金摘來還汎酒獨坐即徐斟王弘貪自

醉銜復覓楊林

善為貝州人武德中歷尚書左丞諸曹吏惡其聽察
嘲其短偃曰崔子曲如鈎隨例得封侯醜上全無頂
腦前別有頭高祖勞之曰齊末姦吏歌斛律明月高
緯昏不察至滅其家朕雖不德幸免是下令求謗者
謗遂止卒於秦州刺史

王績

晚年叙志示翟處士正師云弱齡慕竒調無事不兼
修望氣登重閣占星上小樓明經思待詔學劍覓封
侯棄繻頻北上懷刺幾西遊中年逢喪亂非復昔追

求失路青門隱藏名白社遊風雲私所愛屠博暗爲
儔解紛曾霸越釋難頗存周晚歲聊長想生涯太若
浮歸來南畝上更坐北溪頭古岍多磐石春泉足細
流東隅誠已謝西景懼難收無謂退耕近伏念已經
秋瘦葉逢處跪陶潛見人羞三晨寧舉火五月鎮披
表自有居常樂誰知身世憂

建德破後入長安詠秋蓬示辛學士云遇坎聊知止
逢風忽未歸孤根何處斷輕葉強能飛辛荅云託根
雖異所飄葉早相依因風若有便更共入雲飛不知

之名今
錄於此

古意云幽人在何所紫嵩有仙躅月夜橫寶琴此外
將安欲材抽嶧山幹微點岷丘玉漆抱蛟龍唇絲纏
鳳凰足前彈廣陵罷後以明允續百金買一聲千金
傳一曲世無鐘子期誰知心所屬

竹生大夏溪蒼蒼富奇質綠葉吟風勁翠莖犯霄密
霜霞封其柯鴛鴦食其實寧知軒轅後更有伶倫出
刀斧俄見尋根株坐相失栽爲十二管吹作雄雌律
有用雖自傷無心復招疾不如山上草離離保終吉
寶龜尺二寸由來宅深水浮遊五湖內宛轉三江裏
何不深復深輕然至溱洧溱洧源流狹春秋不濡軌

漁人遞往還。網罟相縈藟。一朝失運會。剗腸血流死。
豐骨輸廟堂。鮮腴籍籩簞。葉置誰怨尤。自我招此否。
餘靈寄明上。復來欽所履。

松生北巘下。由來人徑絕。布葉稍雲煙。插根擁巘穴。
自言生得地。獨負凌雲潔。何時畏斤斧。幾度經霜雪。
風驚西北枝。雹墮東南節。不知歲月久。稍覺枝幹折。
藤蘿上下碎。枝幹縱橫裂。行當糜爛盡。坐共灰塵滅。
寧關匠石顧。豈為王孫折。盛衰自有時。聖賢未嘗屑。
寄言悠悠者。無為嗟大耋。

幽人重其德。徙植臨前堂。連拳八九樹。偃蹇二三行。
枝枝自相糺。葉葉還相當。去來雙鴻鵠。栖息兩鴛鴦。
榮蔭誠不厚。斤斧亦勿傷。赤心許君時。此意邇可忘。
采鳳欲將歸。提羅出郊訪。羅張大澤已。鳳入重雲颺。
朝栖岷閬木。夕飲蓬壺漲。問鳳那遠飛。賢君坐相望。
鳳言何深德。微禽安足尚。但使雛卵全。無令繒繳放。
皇臣力牧舉。帝樂簫韶暢。自有來巢時。明年阿閣上。
春日詩云。前旦出園遊。林萃都未有。今朝下堂來。池
水開已久。雪被南軒梅。風催北庭柳。遙呼竈前妾。却
報機中婦。年光恰恰來。浦甕答春酒。

績字無功絳州人兄通大儒也績誕縱與李播呂才
善大業末仕為六合丞嗜酒不任事因解去居河渚
間與仲長子炎友以周易老子置牀頭他書罕讀也
著五斗先生傳醉鄉記無心子傳豫知終日自誌其
墓自號東臯子

唐詩紀事卷第四

續字無功

